

四庫全書

集部

欽定四庫全書

集部
論學繩尺卷八

詳校官中書_臣沈 鵬

助教_臣常循覆勘

總校官降調編修_臣倉聖脉

校對官編修_臣許兆椿

謄錄監生_臣余肇錫

欽定四庫全書

論學繩尺卷八

宋

魏天應 編選

林子長 箋解

無所考證格 與李仲元貌言行論同格

陸澄譏康成之註

林德頌

出處

孝經序劉炫明安國之本陸澄譏康成之註按要會云鄭氏孝經十八章係長孫氏

江氏后氏翼氏傳之後來鄭氏註之近古皆云鄭康成魏晉之朝無有此說晉荀昶

集孝經說始以鄭氏為宗陸澄以為非康成所註請不藏秘省王儉不依其請遂得

見傳至唐劉知幾極言非康成所註凡十二條又見後註

立說

謂世儒溺於傳註之學不明聖經之本意如注孝經者有鄭氏人皆以為康成也而陸澄獨識之以為非康成吾以為果是康成所註亦不明聖人言孝之旨果何益於

聖經又何必論其是非乎

批云

考究情深議論振發非老儒宿學安能有此筆力

論曰談經者之無成說久矣

言世儒傳註不明孝經之旨

君子不必

論其人可也

言孝經或是康成所註或非康成所註皆無補於孝經言陸澄識之非也聖人

作經以詔來世非真為言語設也

論聖人作經本旨不在言語上要喚下意

所以啓迪人心扶持世教者在是

大要在孝上

況夫天地之

大經生民之大義實於此有述焉

孝經云夫孝天之經也地之義也民之行

也天地之經而民是則之

而世儒昧之

世儒皆不明孝之大義徒尚傳註

正使世儒

復生亦無益於聖經也

便是鄭康成所註亦無補於孝經

不原聖經之

明晦

貴陸澄

而論傳註之真偽

謂譏其非康成所註

是雖考訂之精

援據之審君子猶以為未也

且放寬說便是康成所註於孝經亦有何補

註

孝經者有鄭氏人以為康成也

且據他人之說

而陸澄譏之以

為非康成

述本題意

然使其真康成亦未必盡知聖人之經

者矣何獨於孝經為然

馭倒本題發明主意

陸澄譏康成之註唐

人主有志於孝經者故其說云耳

謂唐玄宗

昔傳易者有子

夏人曰非子夏也丁寬託之也

唐藝文志周易卜商傳二卷或謂丁寬自作託

子夏之名

君子曰如其果子夏也亦未必盡知易也

幹一轉證主意

何者子夏雖工於文學嘗於褒貶不能措一辭矣而又

焉知易

史記孔子世家孔子為春秋筆則筆削則削子夏之徒不能贊一辭又語文學子游子夏傳謂

子夏於春秋且不能措一辭又安知三聖作易之旨

傳春秋者有左氏人曰非丘

明也左氏之裔為之也

後漢范升傳建武二年欲為左氏春秋立博士升起對曰左氏

不祖孔子而出於丘明又奏左氏之失凡十四事又上太史公違戾五經謬孔子言及左氏春秋不可錄三十

一事 君子曰如其果丘明也亦未必盡知春秋也

幹一轉何證主意

者丘明好惡與聖人同者纔一二耳

漢劉歆傳云云

因其好惡

之同推其好惡之異且猶不可況未能皆相似也

謂左丘明

好惡既不與孔子盡同又安能盡知春秋褒貶之法

甚矣傳註之學何其相尚也

引歸傳註上謂傳註不足以及明聖人之心

寧道孔聖誤諱言服鄭非彼何愛

鄭如此哉

用諱詩云云服虔鄭康成皆尚傳註之學

聖人之經以世儒而明

曉得聖人之本
旨則為明白

亦以世儒而晦

不曉聖人之本
旨則為晦昧

謂傳註

盡無得於聖經固不可

且揚傳註之學亦
有益於聖人之經

謂聖經皆不

離乎傳註尤不可也

又抑傳註之學未
有益於聖人之經

彼其篇斷而章

分句解而字析

深貶傳
註之害

以文害辭以辭害意

用孟
子語

是皆

指而枝焉身而贅焉

謂聖經之有傳註如指之有枝
節身之有贅疣言其繁多也

有

之不加益無之不加損

言傳註不
足為重輕

其於聖經深旨與義

彼烏知之

言傳註不知
聖經之深奧

若康成者誠世儒之冠冕也

且

康成亦是漢
儒之第一人

然康成說經多憑臆見竄易舊文

臆已意
也竄易

改變也言康成只是據其說詩也泛引傳註非風雅之

本旨也康成說詩則不得詩之本旨詩有國風大雅小雅其說禮也多泥名數

非得中和之要理也康成說禮則不得禮之本旨禮以五禮防萬民之偽而教之中

以六樂防萬民之情而教之和甚至於詩以生甫為甫侯於禮以生甫

為仲山甫先後乖刺如出二人其無定見也若此詩崧嶽降

神生甫及申謂康成註詩之生甫與禮之生甫其說不同可見乖謬誠使其真從事於孝

經亦豈有得於聖人之所謂孝哉謂康成之註他經皆未深得其旨使孝經

果是康成所註亦未必盡知孝之大旨且孝經家之有鄭氏以為康成者

荀昶祖之而實之者王儉也

荀昶與王儉謂孝經是康成所註詳見題註以

為非康成劉知幾輩力排之而倡之者陸澄其首也

劉知

義陸澄謂孝經非康成所註並詳見題註

蓋嘗因開元天子之言參開元

羣臣之議而遡陸澄之旨矣

開元天子指明皇羣臣指題下注諸人

康成

之自序述其所註惟及諸經而不及孝經也

言所註周易尚書毛

詩儀禮禮記

鄭志之目錄記其所註不及孝經

玄谷諸弟子問五經依論

語作鄭志八篇

又况康成之釋經言鄭氏者皆以名著也

康成之釋

諸經皆云鄭玄箋

今孝經之註存其姓而沒其名是尚得為康

成乎

孝經註只云鄭氏箋不書其名

吁是則然矣

擺上

抑不曰

歸正

聖

人之道康成其有造之乎否也

謂康成未深造聖人之道

聖人之經

其有得之乎否也

謂康成未盡知聖人之旨

如其真有造乎此真有

得乎此

幹轉上意

則介乎康成可也

居二者之間謂之介

否則雖孔壇

猶在鄭鄉復作其亦何益哉

孔子設教於杏壇之上又孔融告高密縣為玄特立

一鄉曰鄭公鄉

亦嘗原聖人之所以語曾子者乎

推原孔子與曾子語孝之意

意
靡瞻匪父事父孝故事天明蓋鳶飛戾天如在其上

也

詩小弁靡瞻匪父又孝經感應章事父孝故事天明又中庸詩云鳶飛戾天魚躍于淵言其上下察也又

洋洋乎如在其上如在其左右

靡依匪母事母孝故事地察蓋魚躍于

淵如在其左右也

詩小弁靡依匪母又孝經感應章事母孝故事地察又中庸見上注

是

理也自天子達於庶人共由之

孟滕文公上三年之喪齊疏之服飭粥之食自

天子達於庶人三代共之

少有缺焉無所逃於天地間

少有未盡處不得為孝

其在聖門如養志之曾子得之孟子曰事親若曾子者

可也

孟離婁上若曾子可謂養志也事親若曾子者可也

以曾子之事親而僅以

為可

朱大公云可者僅可而有未盡之辭

嗟嘆

之辭

孝之為道其大矣哉

見得孝區區康成又焉知之

馬音煙謂孝道之大

且鄭

道難盡

氏所註吾不得其詳亦嘗聞其略矣

學孟子語舉康成所註來說

曰

分別五土視其高下高田宜黍稷下田宜稻麥蓋舉世

之所稱道然也

鄭氏註云云

抑易之所謂地之宜禮之所謂

土之宜者猶不止是

聖經之言地利不止如康成所言易泰卦后以裁成天地之道輔

相天地之宜又周禮地官以土宜之法辨十有二土之名物

況聖人所言天道地利

者正欲人自檢律無愧於天地間耳

聖經所指與康成異只舉此一端

便見得康成不知聖人之所謂孝了

陸澄之意謂所註之非康成則其言

止是

且敘澄之本意

而君子之見謂所註之果康成故其言亦

止是

却以主
意斷之

學者但論傳註之不足以發揮聖經

直駁
傳註

之學不
足尚

不必因其說求其人可也

不必說是康成所註

鳴

呼何獨於鄭氏孝經為然哉安國之本亦然

又舉安國
之言為證

安國之孝經古文孝經也而所傳之本失之久矣

又孝
經序

疏今文稱鄭玄註
古文稱孔安國註

自王劭得之而劉炫實明之

見篇末
詳註

然非必其真也

謂此本亦未
是安國所註

故嘗謂閨門一章存之可

也去之可也庶人敢問二章分之可也合之亦可也

並見

篇末

唐之人或右鄭而攻孔

或主康成之說以為是
而攻安國之本以為非或

存孔而廢鄭

或主安國之說以為是而廢康成之說以為非

要皆一偏之見爾

將上二件議論俱罵倒

咸陽一焰經籍道息

項羽焚秦咸陽宮室存之者皆煨燼之未

其存其闕若此者多矣

諸經或存或亡甚多不止孝經為然

聖人之旨意

苟明雖以今之書觀之可也

苟明聖人之旨無傳註亦可

傳註之無

益於聖經以安國聖人之後猶未之免而況康成乎哉

罵倒孔安國是孔子之後且不知孝經之旨何況鄭康成乎縱使孝經果是康成所註亦無益了

然則

如之何曰問安如文

記文王世子篇文王之為世子朝於王季日三鷄初鳴而衣服至於

寢門問內侍之御者曰今日安否何如內豎曰安文王乃喜及日中及暮亦如之

繼志如武

中庸

武王周公其達孝矣乎夫孝永言孝思昭哉嗣服君天者善繼人之志善述人之事

下之事也

詩下武繼文也永言孝思孝思維則昭哉嗣服

一人有慶兆民賴之

為諸侯者皆魯公

出孝經甫刑云又見下註然友反命定為三年之喪父兄百官皆不欲曰

吾宗國魯先君莫之行

若定公者斯改悔矣

孟子滕定公薨云云然友之鄒問於孟子

孟子曰不亦善乎親喪固所自盡也

為大夫者皆莊子

語子張曾子曰吾聞諸夫子孟子莊子

之孝也其他可能也其不改父之臣與父之政是難能也

如武伯者斯在下矣

同上孟武

伯問孝子曰父母惟其疾之憂

為士者非曾則閔

孟離婁事親若曾子可也又語先進孝哉

閔子騫人不問於其父母昆弟之言

又不但為子夏之服勞子游之能養

矣

語為政子夏問孝子曰色難有事弟子服其勞又子游問孝子曰今之孝者是謂能養

當寒而

溫當暑而清必使舉天下之為父子者定焉而後可也

記曲禮凡為人子者冬溫而夏清昏定而晨省又用孟子離婁上語

帝王之所行者若是

繳以上語

夫子之所言者若是

繳夫子與曾子言孝意

人患不知求之

耳

用孟子語

若夫改元至德亦不忘孝

肅宗即位于靈武尊皇帝曰上皇天帝大

赦改元至德

而萋菲者至讒隙生焉

同上李輔國用事上皇輕輔國矯稱上詔迎上

皇居甘露殿上皇不憚云云

則雖詔天下家藏孝經猶無益也

唐玄宗本

記詔天下家藏孝經而况康成之註也哉謹論

孝經有二

古文孝經一十二章庶人分為二章故自天子以下分為一章曾子敢問分而為二

又添閨門一章閨門之內具禮矣嚴父嚴兄妻子臣妾猶百姓徒僕也今猶有此本溫公范祖禹註

古文本出於屋壁中孔安國為之傳安國之本亡於梁至隋王劭於京師訪得之送與劉炫所謂劉

炫明安國之本是也然儒者猶謂炫自作之非孔舊本也出隋經籍志

無所考證格 與陸澄譏康成之註論同格

李仲元貌言行如何

蕭易

出處

揚子淵騫篇或問子蜀人也請人曰有李仲元者人也其為人也奈何曰不屈其意

不累其身曰是夷惠之徒歟曰不夷不惠可否之間也云云仲元世之師也見其貌者肅如也聞其言者愀如也觀其行者穆如也

立說

李仲元只是一隱士若貌若言若行俱無聞於時而揚子雲亟稱之其言無證若如子雲之言固足以起人之嘆而其言無證反足以起人之疑然君子寧闕其疑不敢厚誣當世之無人惟曰是其不可傳者與其人俱往矣

方澄孫批云

言語出入經傳有抑揚有變態不肯道無此人如

驅龍蛇縛虎豹更無捉摸處也

論曰古之君子其不可傳者與其人俱往矣

謂仲元之貌言行無

傳於世

尚論者每歎之而亦或疑之

如子雲所稱可以起人之嘆而其言無證

反以啓人之疑

雖疑之而終不敢少之也

君子雖疑其言之無證又不敢厚誣當世

之必無此人一破多少轉摺

只

夫人而非賢則已

暗指仲元反說

果賢也

正轉

其言論風旨豈無一二之足聞者

仲元之言

而所為飭躬厲

行不使非禮加乎其身也

仲元之貌與行用經語

固以待後世之

夷考焉耳

使後世有所考證方信其為人

何至與聲容辭氣俱超忽而

寂寥哉

何至無傳於世

意者素隱行怪

出中庸子曰素隱行怪文公註云素按漢書當

作索索隱行怪言深求隱僻之理而過為詭異之行也

議論施為不少槩見

於世

言其貌言無傳於世

身隱矣焉用文之

用左傳介子推語

故當時亦

不得而述歟

其貌言行無傳當時無可得而述

夫既已可見矣可聞矣

可觀矣謂之不文不可矣

謂仲元見其貌者肅如也聞其言者傲如也觀其行者穆

如也應上文字

其時得而識之

暗指子雲

非其時則不得而稽焉

謂後世無所稽考

然則古之人好修而名不稱者何限也

古之名士

不傳於世者多非特仲元一人而已不然則言無證不信而聲聞之過情

者皆可疑也

用孟子語應每嘆之而或疑之

君子寧闕其疑而不敢

厚誣後世之無人惟曰是其不可傳者與其人俱往矣

應破語文勢圓轉

如法言之述李仲元其貌言行之動人有若

此者

揚雄常問法應之譏以為十三卷象論語號曰法言

而求其所謂貌言行者

卒無可指也

謂其無傳於苟世無所考證

非史失其傳則子雲之言

誇矣

兩語疑不與後相應

李仲元貌言行如何其然豈其然乎

用論

語句亦疑下

夫仲元之為人書固有闕矣

直將仲元叙起

世次之先

後則吾將安考

謂世次無所考

以其接於子雲之見聞殆亦西

都未造之隱者歟

謂仲元想是西漢末之一隱士

何以驗其隱也

設問隱字

彼其卓爾大雅見稱於子雲者如此

揚子稱李仲元為大雅君子

而

後世無傳焉是以知其為隱也

應上隱字用孟子語

抑古之流

芳千祀者豈必皆遭遇其時而嘉言善行班班史牒者

如將見之

謂古之名聞於世者非必顯者而後傳

世降俗末是固無賢者

也有則史必書之

舉孟子語

昔隋之亂唐之未興也河汾之

間有隱君子焉

杜淹撰世家隋季文中子之教興於河汾又中說天地篇叔恬曰文中子之教

與其當隋之季世
皇家之末造乎

其書曰中說者載其言行為詳學者

得其書而讀之猶可彷彿其人

王通諡曰文中
子作中說十篇

獨怪夫

隋氏之史出於門人之所論撰而不為其師立傳

房玄
齡撰

隋史不為其
師王通立傳

是以後世君子未能釋然於其間

使人不
能無疑

甚者至以為無是人也

或謂隋時
無王通

吁以為無是人則不

可

解上
意

而使人不能釋然於文中子者

答上
意

則王福時

之家傳實啓之

文中子二子長曰福郊少曰
福時福時記王氏家書雜錄

何則揚之

太過者疑之所從生也

綴上意謂王通啓人
之疑亦如李仲元

今以文中

子之動容正色而庶幾於貌孔子之貌

謂王通之貌幾及孔子之貌

文中子之出辭吐氣則庶幾於言孔子之言

謂王通之言幾及孔子之言

子之而文中子之造次施為起居動履其行之不肖於

孔子者幾希

謂王通之行幾及孔子之行此一股變文

又舉其事以實其

說固以必人之信也而反以甚人之疑也

且據揚子稱仲元之為人

固將以必人之信而其言無證反以甚人之疑

吁指實而言人猶以疑言又不

實誰則信之

學左傳言語

若子雲之稱李仲元是矣

謂揚子所言不

足信蓋自史遷尚勢利而揚貨殖抑道義而進游俠

司馬遷作

史記有貨殖傳游俠傳

班固論次西漢無能改於其失

班固作西漢亦不能

改司馬遷之失

彼山澤之癯儒容貌不足以動人

謂隱者之貌又山澤之癯

儒括囊而遯雖有言而莫之或聽

謂隱者之言卦括囊无咎无譽

易坤

惟其德行道義之富而勢利蔑如也

謂隱者之行二股文勢有變態一

股是一樣

是固子長孟堅之所抑而不尚者

司馬遷字子長班固字孟堅

無惑乎仲元之徒無得而稱焉

學語孟句法

嗚呼

嗟嘆之辭

美哲

之張蒼而大書

張蒼傳蒼有罪當斬解衣伏質身長大肥白如瓠時王陵見而怪其美士乃言

沛公赦勿斬哲白也用左傳東門之哲字

反形仲元之貌

木訥之周勃而特書

周勃

傳勃為人木強敦厚形仲元之言無行如陳平輩而不一書陳平傳漢王以讓無

知對曰臣之所言者能也陛下所問者行也云云盜嫂受金何足疑乎形仲元之行大書特書不一書用左傳

語

而魯有大臣史失其名非以其不顯歟證仲元之隱者夫必

顯者而後書則隱居求志姓名湮滅者何可勝數真可

惜也

應冒頭古之人好修而名不稱者何限也

使弘也不見書於法言則天

下後世誰復知有李仲元哉

蜀泰宓傳李仲元名弘既稱其名復稱其字學左傳

體

雖然

喚下意非是自為一段

後世之知仲元者以法言也後世

之疑仲元者亦以法言也

應破論者每嘆之而亦或疑之

尚友千載於

古人中得仲元者焉

用孟子語又尚論古之人誦其詩讀其書不知其人可乎是以論其

世也是尚友也

果如揚子之所稱

且正說

恨不獲振太史公之屐

司馬遷歷覽天下名山大川

歷乎魚鳧蠶叢之墟

魚鳧蠶叢蜀地名

物色益

州之祠尚無恙乎

蜀志劉璋為李弘立祠嚴光傳迺令以物色訪之

物色字用又學馬

子才贈蓋邦式文不知魚腹之骨尚無恙者乎

想夫英爽如生睠茲宇而躊躇

也想仲元之祠氣象

蘭姜玉沈莫寫我心

言仲元既往已如蘭之姜如玉之沈不能

以寫我胸中之所蘊則尋繹其議論察其立身行已之大槩

欲考其言

貌意其猶有足證而闕如也

亦無所考證

夫子溫而厲威而

不猛恭而安徒曰貌云乎哉

見語述而

與下大夫言侃侃如也

與上大夫言誾誾如也

見語鄉黨

而答問訓告散在二十篇之

中者皆至言矣

語序言魯論語二十篇皆孔子弟子記諸善言也

若其德行則

綏之斯來動之斯和從游而速肖者非躬行之化疇克

爾

語子張云云又夫子從游者三千速肖者七十二股文各一樣有變態

彼仲元者何人

斯

題歸本

貌足以肅人之見言足以愀人之聞行足以穆

人之觀

舉本出處文

而其貌其言其行果何若也

三者皆無所考證

雖曰浮沉鄉里栖遲山林影響昧昧可即而不可求故

人莫得而紀焉

謂仲元只是一隱者故人莫得而知之

然世惟無若人

也

無此人則史書不可得而紀

誠有若人亦擣乘之光也

若果有此人史書豈

可不紀孟子晉之乘楚之擣杞擣乘二史官之號

述子房者證之畫工史家之

法固有纖悉於容貌之書者

有所證者如此

君平子真之流其

微言篤行時時見於他傳尚多有之

揚子谷口有鄭子真蜀有嚴君平皆

修身自保成帝時王鳳以禮聘子真子真不詘而終君平卜筮於成都

至於仲元何獨不

然

再歸本題

知仲元者未幾而疑仲元者繼之必自子雲之

言始

應前知仲元者以法言疑仲元者亦以法言

或曰

設一難

雄稱仲元以自

况也

謂揚子以仲元自比

不夷不惠可否之間古無是論也

引本文謂

仲元既不是伯夷之清又不是柳下惠之和

見而肅聞而愀斯不惠之驗歟

將本文見其貌者肅如也聞其言者愀如也

織在不如惠語下觀而穆斯不夷之驗歟

將本文觀其行者穆如也織在不如夷語上

草玄著新自附於可否之間歟

本傳領而作太玄五千文又遷子雲劇秦美新

織可否之語信若此則不無可議也

駁倒第一難之說

或曰

再設二難

雄稱仲元子誠齊人也

雄與仲元同蜀人

用孟子誠齊人也語

雄家世蜀仲元之為人當世豈無其輩而此

獨亟稱者以其為蜀之人耳

發明蜀人意

若然則喜而溢美

未足據也

又駁倒第二難之說

或又曰

又設第三難

雄稱仲元取其內

外一致表裏俱符也

謂雄稱仲元以其有德行可取

司馬相如王褒皆

蜀產也

又舉蜀中二人來證

雍容閒雅者不足覆竊賢之醜

司馬相如

傳相如雍容閒雅甚都又卓文君奔相如俱如臨邛從昆弟假貸云云

造作語言綴成歌

頌者正當以貢諛獻佞為羞耳

王褒傳褒作中和樂職宣布詩選好事者令依

鹿鳴之聲習而歌之又作聖主得賢臣頌云云議者多以為淫靡不急

弘之擅美正以其

行歟是亦未可知也

又駁倒第三難之說

今既無以質雄說之是

以雄稱仲元之說為是則又無所考

而亦無以辨雄說之非

以雄稱仲元之說為非亦

無所證

與其以誇誕而議雄寧若以傳而議史猶可景行

古人而不失為忠厚之論耳

應冒若非史失其傳則子雲之言誇矣亦應破頭雖

疑之而終不敢少之也

嘗試撫仲元之遺事而為之補傳曰

論無補傳

之體今創為之者不惟見其學識該博又可具見仲元首末

李仲元不知蜀之何許

人其名曰弘

李仲元名弘見秦宓傳

語在陳壽蜀志秦宓傳

三國志乃

陳壽所作

其出處當在元成哀平間

西漢之末

與揚雄同郡又同

時也

仲元與雄同時蜀人又同時

雄雅敬之

雄甚敬仲元

今其載於淵騫篇

者是已

本

釋揚子者以為詳見華陽國志

司馬光曰仲元事見常璩

華陽國志尤詳

而秦宓以為不遭法言令名必淪

見秦宓傳如李仲元不遭

法言令名必淪

宓去弘未遠也而言若此則其事已不可攷矣

秦宓與李仲元俱蜀人宓取仲元之時將三百年

常璩增益而附會之殆皇甫

謚誤帝王世紀之類其說難據

謂常璩華陽國志載李仲元事皆增益附會之

語不足信亦如皇甫謚誤帝王世紀之類

蓋沒後且二百年劉璋刺益州乃

為之立祠云

秦宓傳劉璋刺益州遣王商為嚴君平李弘立祠

斷之曰揚子雲

以為仲元在夷惠之間今雖未可信也

舉揚子本文不夷不惠可否之

也仲元將不得在君平子真之間乎

舉韓愈諫臣論子告我曰陽子可以

為有道之士也。今雖不能及，已陽子將不得為善人乎？
嚴召平、鄭子真皆隱者，從前皆疑仲元之為人，無考
證至此。放寬一著，却將君平
子真二隱士比他語有斷制。謹論。

亦可與丁集、黃道深、郭林宗何如人論參看。

前篇謂陸澄譏康成之所註，或是或非，無所考證，可
疑之而不可信之也。後篇謂揚雄稱仲元之為人，或
有或無，無所考證，雖疑之而不敢少之也。

有所考證格 與聖人成書成言論同格

五帝三代之記如何

陳子頤

出處

史記三代世表太史公曰五帝三代之記尚矣自殷以前諸侯不可得而譜周以來乃頗可著注索隱曰此叙五帝三代而篇名三代者以三代代系長遠又三代皆出五帝故叙三代要從五帝起也

立說

考古者以經為證事本諸經君子質之而無疑而無證不信則姑存之以傳疑可也太史公採五帝三代之記以作世表表著五帝之世而其篇名特標以三代而不及五帝蓋謂三代之記遷已得以證之經五帝之記世代愈遠遷則不敢盡信也

批云

見識高考究熟用事遺文頗有前輩風度

論曰考古者以經為證

指班固言三代之記可以經為證出處下文云孔子因史文

次春秋尚書

事不證諸經

謂五帝之記無所考證

君子存之而不敢盡

信也

故史記但云三代世表而不及五帝

蓋經者史之法

史以經為證主意

凡經

聖人紀次之所及者

指孔子次春秋序尚書

萬世所恃以為訂正

之地也

萬世以孔子之經為信

有如去古既遠之餘

總引本題

帝王統

緒之所相承其世代漫不可考

三代世表正義曰言代者以五帝久與傳記少

見夏啓以來乃有尚書畧有年月此於五帝事迹易明故舉三代為首

所幸而僅存者猶

以經傳所及之一二

指春秋尚書所載

與夫百家之所撰次者

耳

指出處下大傳記之類

然而事本諸經君子質之而無疑

三代之記

可以證之尚書春秋

而無證不信者姑存之以傳疑可也

五帝之記無所

考證疑則傳疑

出處下文云蓋其慎也

存焉而述之述焉而名之

存五帝三代之名

名於其名而示其去取之意

世表之篇名去五帝之名但曰三代世表發語之首

又曰五帝三代之記尚矣

則是非疑信可以瞭然於後世矣

繳前面主意

司馬遷採五帝三代之記以作世表

敘本

蓋自黃帝迄

于周也

始於黃帝終於周

表著五帝之世而其名乃止於三代

欽定四庫全書

論學編尺

十九

但曰三代世表
而不及五帝

豈非三代之記遷已得以證之經

證之尚書

春秋

五帝之記世代愈遠遷亦未敢盡信歟

無所考證此見小講注

世表之名所以不及五帝也

發盡主意

五帝三代之記如何

請得而辨之蓋嘗觀遷史之例矣

便就司馬遷作史之例敘起

所記

以此其名亦以此此正例也

記與名無異同

如五帝之紀所以

記五帝之事也

史記五帝紀黃帝顓頊帝嚳帝堯虞舜

所記以此其名遺

乎此此變例也

記與名不同

如十三諸侯而表之名止於十

二不數吳也

史記十二諸侯年表索隱曰篇言十二實敘十三賤夷狄不數吳又伯在後故也

周魯齊晉秦楚宋
衛蔡曹鄭燕吳

今而採五帝三代之記以為帝王之

世表

引本

不從其實而名之

既曰五帝三代之記則世表盡當名五帝三代世表

今只云三代世表而不及五帝

顧乃削去五帝標以三代自附於黜吳

之例何耶

以上面十二諸侯世表黜吳事設難

大抵良史之著述必欲其

有所證也

主

考之平昔所聞而然推之聖經賢傳而合

則名之無疑也

有所考證則名之亦足信如三代之記

證之聖經而無據

考之百家而僅存若是則存以傳疑可也

如五帝之記無所考證則

存之以傳疑

存之而遂名之

若存五帝之名而遂名之於世表

天下後世其

謂五帝世系本末先後果若是確

恐後世以司馬遷之言為實

是非

君子所以望來世俟明哲之意也

轉歸遷之意不如此

堯典之書

乃係之虞

今書之堯典不曰唐書曰虞書孔子討論墳典斷自唐虞以下訖于周

非固

抑唐而進虞也

幹下意

書得於虞氏之史官謂之虞則可

謂之唐不可也

有所證據

夫子且不敢以無證之書實堯典

為唐遷其敢以無所考信之記而遂以五帝名表哉

以夫

子形容太史公用事甚活

且五帝之記三代以來未嘗無考也

且放寬一

著周外史之所掌則三皇五帝之書也

禮春官外史掌三皇五帝之書

楚左史之所讀則三墳五典之書也

書序春秋左氏傳曰楚左史倚相能

讀三墳五典八索九丘

使遷也生於三代之時周旋於周外史楚

左史之列

將上文來與司馬遷打合

則以帝王之書表帝王之世無

庸實疑信於其間也

使司馬遷如外史左史之有所證據則其世表必名五帝三代世表

以上皆是放寬說

奈何戰國以來諸侯去籍帝王之記已先壞

孟萬章北宮錡問曰周室班爵祿也如之何孟子曰其詳不可得聞也諸侯惡其害已也而皆去其籍

秦

人焚書帝王之記則盡泯

書序秦始皇滅先代典籍焚書坑儒

漢興君子

所恃以考上世之源流而究見其統緒之所自出者以

屋壁之六經存也

書序魯共王好治宮室壞孔子舊宅以廣其居於壁中得先人所藏古文

虞夏商周之書也

然詩者國史之所記詳於周而及於商五帝

之事不記也

詩大序國史明乎得失之政詩之風雅頌載商周事為詳謂詩不載五帝事無

所證

書者記書之史也始於堯而終於秦五帝之典不全

也

古史敘書謂之古史又書始堯典終秦誓謂書亦不載五帝事無所證

至於易言黃帝

通變之事僅數語耳而其世次先後亦不可知也

易繫辭神

農氏沒黃帝堯舜氏作通其變使民不倦謂易雖載五帝事亦不詳言其世次之先後

五帝之世

所得而聞者系牒之有書世表之有載

本出處下文於是

繫牒尚書集世紀黃帝然皆出於百家之書其為不雅

馴則一也

百家之言無所考證史五帝紀太史公曰學者多稱五帝尚矣然尚書獨載堯以來而

百家言黃帝其文不雅馴薦紳先王難言之

遷將絕之而不記歟

設疑下

則三

代世繫之有記而黃帝以來獨無之非所以尊本繫之

自出也

司馬遷於三代世表所以有五帝三代之記尚矣之言

將從之而盡信之

歟

再設疑下

則三代之事猶有明證五帝之世經無可考也

三代之事可以證之經五帝之世無所考究也

夏禹之後有啓有太康吾可證

之書

書益稷啓呱呱而泣注啓禹子也又五子之歌太康失邦注啓子也

湯至太甲而外

丙仲壬又介乎其間吾可證之孟子

孟子萬章伊尹相湯以王於天下湯

崩太丁未立外丙二年仲壬四年太甲顛覆湯之典刑伊尹放之於桐三年趙氏曰太丁湯之太子未立而死外丙立二年仲壬立四年皆太丁弟也太甲太丁子也

周自文武成康而次其譜

繫之著於小史者皆可按而覆也

周譜繫圖周文王武王成王康王昭王穆

王又書君牙惟小子嗣守文武成康之遺緒

至於黃帝顓嚳其世次之先後

不知何所取證哉

黃帝顓嚳帝嚳於經無所考證

夫惟世次不可得而

詳而五帝之名自孔安國且有異說

按劉道原通鑑外紀云云小司馬以

伏羲女媧神農為三皇未知何據蘇子以伏羲神農黃帝為三皇以少昊附顓頊高辛堯舜為五帝者蓋本孔

安國序書謂伏羲神農黃帝之書謂之三墳少昊顓頊高辛唐虞之書謂之五典故以黃帝為三皇少昊為五帝又書序注云先儒解三皇五帝與孔不同則三代之記其視五帝之記其

詳畧虛實未易同年記也三代之記詳而實以其有經可證五帝之記畧而虛以其

無所考證故不同也何者三代之記有經之可稽是者得以筆非

者得以削三代之記可證之經故可信五帝之記獨出於百家之言

百家可信乎五帝之記出於百家之雜記故可疑則其世表之作雖記五

帝而獨以三代表為名者遷蓋未敢自以為信然照前而主

意故寧闕其名以俟後世之訂正乎所以闕五帝之名而不標於世表之

首嗚呼表則記之表亦名之三代也表則記之名則削

之五帝也

主意發盡

後世觀世表之名則五帝三代之記其

是非有不待辨者遷之意微矣雖然遷誠有疑於五帝

之記則記之足矣不表其世何害哉

承上意再辨難

是不然一

物不知君子所恥

晉張衡傳云仲尼恥一物之不知

疑以傳疑君子謹

諸

史記世表云信以傳信疑以傳疑

自後世譜牒之學不明遂以世繫

之書為無益

專責後世之人不明譜牒之學

而不知帝王源流之所自

出且不能究見其本末何以議世道之損益商古今之

得失哉

既不明帝王世繫之源流何以知其損益得失

後之學者不察史遷之

深意而猶肆其說說之辨

說說言其口下之捷給也

此正遷之所謂

難為淺見寡聞者道也

司馬遷云云責後世之人淺見寡聞不知史遷世表之意謹


之哉

謂不可輕忽也

謹論

三代之記有經可證而五帝之記無可考證故不以

五帝名表



有所考證格 與五帝三代之記論同格

聖人成書成言

高山

出處

揚子五百聖人之言遠如天賢人之言近如地云云聖人矢口而成言肆筆而成書

言可聞而不可殫
書可觀而不可盡

立說

書者言之所寄而言者心之所形心非言不能以自明言非書不足以為證聖人以

吾之心而寄之言以吾之言而筆之書使天下後世由聖人之書而求聖人之言由其所見之言而適聖人之心則其所見所聞有可得而證矣

批云

辭意明白
最利初學

論曰因所見而證所聞

自所見之言以證所聞之書

帝王之心法於

是乎信矣

主意心形於言言寄於書

夫書者言之所寄言者心之所

形

順發主意

求其心而不求其言則其心不能以自白於天

下

心非言則不能以自明

求其言而不求其書則其言不能以取

信於後世

言非書則不足以為證

所傳無證

言不驗之書則無證

所寄無迹

心不寄於言則無迹

聖人且奈何哉

結上生下

是故聖人以吾之心而

寄之言以吾之言而筆之書

主意從心上發出去

佔畢之所載簡

編之所陳

記學記今之教者呻其佔畢

雖若不足以盡吾精神心術

之妙

且占便
宜說

而聖人亦惟假是書以寓吾之言托是言

以發吾之心

倒歸在
心上

使是書之在天下至萬世而不泯

書者言
之所寓

則吾不言之言亦與萬世而無窮

心者不言之
言也與講腹

相應夫如是則天下後世由聖人之書而求聖人之言因

聖人之言而遡聖人之心

主

則其所見所聞寧不至是

而有所證耶

照冒
頭

聖人成書成言子雲之意如此耳談

者類曰言者道之瀉也

瀉洩
薄也

書者言之贅也

贅餘
剩也

太上

忘言何以言為

謂不必言
記曲禮太上貴德

上古結繩何以書為

謂不

必書易繫辭上古結繩而治後世聖人易之以書契

聖人宜若泯聰明黜智慮

而秘天下於不可見聞之地也

此是放寬一著謂上古聖人無容心於此

然

心而非言則無以啓天下之聞

應冒求其心而不求其言則其心不能以自白

於天

言而非書則無以信天下之見

應冒求其言而不求其書則其言不

能以取信於後也

故聖人不憂其書之不足信而憂其言之無

所證

言證諸書應冒書者言之所寄

不憂其言之無所證而憂其心之

無所寄

心寄諸言言者心之所形應冒

何者設問

目力至於離婁固明

矣

孟離婁上離婁之明又聖人既竭目力焉

離婁能喻人以已之所見

注離婁古

之明目者此如聖人之心形於言而不能使衆人見其所見故無規矩

則無以證其明同上不以規矩不能成方圓耳力至於

師曠固聰矣同上師曠之聰注師曠晉之樂師知音者也又聖人既竭耳力焉此如聖人之心

形於言師曠能喻人以已之所聞而不能使衆人聞其所

聞故無六律則無以證其聰同上不以六律不能正五音注六律謂黃鍾太簇姑

洗挺賓夷則無射五音謂宮商角徵羽如聖人之言要以書為證聖人者道之離婁師

曠也歸聖人身上言者其目力耳力也書者其規矩六律也

總上文知離婁師曠之所以為目力耳力則知聖人之所

以為心法者矣

照主意

蓋聖人者天下之法則繫焉時人

之耳目寄焉

貫上耳目字

其一言一語無非精神心術之所

寓

應冒言者心之所形

然是言也發之於心驗之無形視之無迹

能使一時聞之不能使後世聞之

應冒所寄無迹所傳無證等語

聖人

寧忍聽吾言之窮也哉

應冒以吾之言而筆之書意

是故危微精一

允執厥中舜之心形於言矣

書大禹謨人心惟危道心惟微惟精惟一允執厥中

然必寄之於禹謨之書

見上注

嗟爾萬邦明聽予誥湯之

心形於言矣

書湯誥王曰嗟爾萬邦有衆明聽予一人告

然必筆之於湯誥

之書

見上

西土有衆咸聽朕命武王之心形於言矣

書

誓中王乃徇師而誓曰嗚呼西土有衆咸聽朕言

然必寓之於泰誓之一書

見上

注

夫聖人之心其精神運於亭毒之表其思慮出於事

物之外

先說聖人之心大處

聖人之言大而天地不足以容之幽

而鬼神不足以測之

次說聖人之言大處

彼區區之簡牘曾謂足

以盡聖人之心術乎

反說歸在聖人之書上

然聖人終不廢此者

亦念夫發之於心者其言無所證筆之於書者其言有

所稽

應昌小講數語

誠使禹謨常在舜雖不作而舜之言未嘗

欽定四庫全書

論學編八

三

不在天下也吾心之言其可勝用乎

倒幹前面所舉時事

湯誥常

存湯雖不作而湯之言未嘗不在後世也吾心之言其

果有窮乎

倒幹前面所舉湯事

泰誓常自若武王雖不作而武王

之言亦未嘗不窮天地而亘古今也吾心之言其旦暮

而盡乎

倒幹前面所舉武王事

右三股俱應冒頭使是書之在天下至萬世而不泯則吾不言之言

與萬世而無窮

嗚呼

嗟嘆之辭

由古及今去聖人之世如彼其遠

孟學

子語而心法之所在猶有足稽者焉

照主意

豈非聖人言之

與書相維於無窮者歟

應冒所見所聞寧語

雄之言曰言

可聞而不可殫也書可觀而不可盡也

舉出處下文

雄其知

聖人之心矣

繳結歸重在心字上應破語

雖然書不盡言言不盡意

易繫辭

書本於聖人之言言出於聖人之心

且順說前而

而

是心又有非言書之所能盡也

又推廣一步說

雄之所謂不可

殫不可盡者乃其所謂成也

本文喝出成字

故煥乎文章而有

所謂巍巍乎成功莫之能名於是謂之成

語子罕巍巍乎其有成功

也煥乎其有文章

聲成文謂之音而至於動天地感鬼神於是

謂之成

見詩關雎篇

是其所謂成者非斐然之成者集百聖

欽定四庫全書

四

論學編尺卷八

元

之大成者也

語狂簡之小子斐然成章不知所以裁之孟子謂集大成者金聲而玉振之也

成言成書雖特出於聖人一矢口一肆筆之間

本文聖人矢口

而成言肆筆而成書

而要其成功則成順致利曲成萬物惟幾惟

深以之成天下之務也觀乎人文以之成天下之化也

揚子聖人成天下之大順致天下之大利易繫辭曲成萬物而不遺又繫辭云云又賁卦舉數十箇成字來

影帶題上成字

夫如是聖人成言成書豈苟成乎哉

結尾全力在成字上

謹論

順題發明格 與王者之論同意

合宮衢室聽問如何

李 璣

出處

中說問易篇文中子曰議其盡天下之心乎黃帝有合宮之聽堯有衢室之問云云皆議之謂也

立說

黃帝之時其事尚簡所以合宮之議惟聽之之畧固不待問之之詳帝堯之時不如黃帝之時其事已繁所以衢室之議要問之之詳而不如聽之之畧非帝堯之問求詳於黃帝之聽也時有先後事有簡繁固應爾也

祭酒常挺批云

議論正大首尾照應原題用同人咸卦之義最親切有味諸卷

所無且氣勁而語老必非少作

論曰聖人將以盡天下之議

總說黃帝與堯聰問之意

而不能無詳

畧之異者

黃帝合宮之聰則為畧帝堯衢室之問則為詳

世道為之也

謂堯之時已不

如黃帝之時故問詳於聰

夫太上本忘言也

黃帝以前無聰亦無問

言之瀆者

非古也

有聰有問便不如無聰無問之時

況於詢謀之地

指合宮衢室

愈詳

而愈切乎

帝堯之問又詳於黃帝之聰

蓋自風氣始開已非太古忘

言之日

暗指黃帝時已不如太古之時忘言

於是乎有聽政之地以來天

下之言

黃帝合宮之聰

言固聖人之所樂聞也

幹

而天下卒無

事之可言

無言則無可聽

聖人之所以優游於此者

合宮之地

亦惟

相忘於無聲之表

無言可聽

雖聽之吾亦不得而聞也

黃帝雖欲

聽言而終於無言之可聽

自皇而帝天下之事日以詳

帝堯之時不如黃帝之時

聖人將以通天下之情則其心又何如哉

說堯問天下之意

於

皇皇四達之衢

說衢室意

為并謀兼智之地

出處本大并天下之謀兼天下

之智聽之猶以為未足且進而加之問焉

聽之則不形於言問則費辭說

卒之洞達無隱上下相孚

雖問之之詳亦如聽之之畧

而聖人亦

得以遂其恭已無為之心

語夫何為哉恭已正南面而已矣

則堯之時

猶黃帝之時也

文字圖轉與後相應

然則以衡室視合宮則其制

為愈詳

衡室之制詳於合宮

聽而進之問則其言為愈切

帝堯之問切於

黃帝之問

非衡室之問因求詳於合宮之聽也

倒幹一轉

時有先

後事有繁簡固應爾也

黃帝居帝堯之先其事簡帝堯居黃帝之後其事繁所以問詳

於聽

而聖人大公無我之心則一而已矣

聽問雖殊而二聖人之心則一

合宮衡室聽問如何請申王通氏之言夫公論其天道

乎

譬喻起

開闢以來

天開地闢

天道不容一日息則公論不容

一日泯

以天道比公論說得開闢

公論猶一日聖人無兩心

且說聖人求言

之心則聽可也問亦可也奚其異設問曰無異也答聽與

別特世數之相去有不能以強同爾應冒子世道語謂五帝之時不如三

時皇之世數不能以強同申上則事愈繁而言愈悉制愈

詳而情愈切應冒子繁簡詳切等字此非聖人意也勢也聖人之

欲如此以制於時變之不同耳學柳子厚封建論文法吾求之易包犧氏以結繩

為政其言泯如也從太古說來其易繫辭古者包犧氏之王天下也云

云於是始作八卦以通神明之德上棟下宇之未制其

以類萬物之情作結繩而為罔罟上棟下宇以待風雨宮室且

宮室無有也同上古穴居而野處後世聖人

欽定四庫全書

無有況於合宮乎衢室乎

引歸合宮衢室意謂是時且無宮室安有聽問

吾觀

同人一卦而曰同人于野亨此固聖人所以通天下之

志

考官批云用同人卦義親切有味易同人于野亨利涉大川云云惟君子為能通天下之志又六二同人

于宗吝比衢室之間

以此

然至於咸而曰以虛受人

咸卦象曰山下有澤咸君

子以虛受人

夫以虛受人者心之感也

承上文同上聖人感人心而天下和平

不曰感而曰咸咸者無心之感有以潛通於忘言之表

本

伊川語咸無心之感以此比合宮之聽

吾故曰衢室之間同人于野之

意也合宮之聽其咸之無心以虛受者歟

總上舉易為證二段見得

問為詳而聽為畧

且合宮古明堂也

本出處主合宮明堂異名也

而黃帝之

聽必於是

先說黃帝有合宮之聽

吾想是宮也陟降左右神明森

列

詩文王陟降在帝左右又韓文與孟簡書天地神祇昭布森列非可証也

其聽也真可以

對諸天而無愧

以上說黃帝合宮之聽如此

衡室亦古明堂也

本出處衡

室明堂異名也

而堯之問必於是

又說帝堯有衡室之問

吾想是室也無

門無旁我闐八荒

揚子無門無旁四達皇皇又呂與叔克已銘洞然八荒皆在我闐

其

問也真可以質諸人而無隱

以上說堯衡室之問如此

王通氏均以

為盡天下之議

總上二股見本題注

則堯之心固黃帝之心也應

子聖人亦得以遂其恭已無為之心則堯之心猶黃帝之心也惟夫事變由簡而入繁

古制由畧而入詳

應冒子繁簡詳畧四字此是起文

堯固未得遊乎黃

帝忘言之天也

應冒風氣始開已非太古忘言之日自皇而帝天下之事日以詳等語脫與

論舜不得以遊乎堯之天句法

此曰聽曰問不能以不異

世道既有繁簡之不同故

聽問有詳畧之或異

何則

設問

前乎此者天地絪縕猶太初也

用繫辭語

生人蚩蚩猶古始也

蚩蚩注敦厚貌氓之蚩蚩又劉孝標嘗著絕交論天下蚩蚩此說太

古之時可以忘言

迨陶唐氏洪水亟矣而非合宮調元氣之時

謂堯之時不如黃帝之時唐陳子昂傳疏黃帝合宮有虞總章云云皆所以調元

書堯典湯湯洪水方割又

氣和陰陽也

苗民作矣而非合宮和天人之日

書大禹謨三旬苗民逆命

又隋牛弘議傳議曰明堂者所以通神明感天地出教化崇有德黃帝曰合宮云云噫堯之問所

以急於黃帝之聽歟

總上文謂堯之時既不如黃帝之時是以問之之詳不如聽之之畧

故夫合宮之名不可得而考

擺去合宮歸在衡室上來

至於衡室則

闕之通途大衢而為採民言也明矣

本出處注衡室明堂異名也當衡為

室以采民言也

黃帝之聽不可得而聞

擺去黃帝之聽歸在堯之問上來

至堯

之問則諫鼓謗木之下有不容一日釋者矣

通歷堯定五岳置諫

鼓又前文帝紀朝有進善之旌誹謗之木注善旌堯設之五達之道令民進善也

吾求其當時

所聽之人自廣成子一人之外無聞焉

黃帝之所聽者一人而已比堯

所問之人則為詳

莊在宥篇黃帝聞廣成子在空同

之上進拜稽首而問曰聞吾子達於至道敢問治身奈

何而可以長久云云詳見下注

而咨四岳稽于衆與夫鰥寡之辭皆得以

自通於密勿之前者何其詳

書堯典咨四岳又大禹謨稽于衆舍己從人又呂刑

皇帝清問下民鰥寡有辭于苗應冒詳字

吾又求其當時所聽之事自至

道窈冥之外無他語

黃帝之所聽者一事而已比堯所問之事則為詳莊在宥黃帝問

廣成子云云廣成子屢然而起曰吾語汝至道至道之精窈窈冥冥至道之極昏昏默默

而曰平土

曰殖穀與夫過絕有苗亦必因其辭而聲其罪者何其

悉

書舜典帝曰俞咨禹汝平水土又呂刑禹平水土主名山川稷降播種農殖嘉穀又皇帝哀矜庶幾之不

辜報虐以威遏絕苗民無世在下

應冒悉字

由是觀之合宮之聽無聲也無

言也與天俱游也

應冒聖人相忘於無聲之表詩無聲無臭又語予欲無言又莊子心與

天游衢室之問為其有辭也無告也雖蕩蕩之天欲無言

得乎

應冒聽之猶以為未足且進而加之問焉書呂刑鰥寡有辭于苗又大禹謨不虐無告又語惟天

為大惟堯則之蕩蕩乎民無能名焉

黃帝非忘斯世也堯非媚斯民也應

子非衢室之問固求詳于合宮之聽也

理也勢也

應前非聖人意也勢也

聖人亦不

自知也

總結上文

不然去之千餘載而清問等語猶見於呂

刑

書呂刑詳見上注

堯問一篇至形於莊叟

莊子有堯問篇

獨黃帝之

所謂聽者終莫得而髣髴何也

反難謂堯之問尚有可考黃帝之聽無所考一

詳一畧可以見矣

吁是可以論其世矣

主意道為之也意

抑均之

為明堂也均之為盡天下之心也

引本文畧轉作結尾

堯惟憂其

時之不黃帝若也故其問也切於聽

應前語

迨夫一問之

餘萬感俱會

歸重問字

庶績熙矣萬邦和矣

書堯典協和萬邦又庶績成熙

堯何心哉亦恭己無為而已

見前注

此康衢童子從而歌

之曰不識不知順帝之則

列子仲尼篇堯治天下五十年不知天下治歟不治歟云

云堯乃微服遊於康衢聞兒童謡曰立我蒸民莫非爾極不識不知順帝之則至於是以則堯之

時歟黃帝之時歟

打聚說堯與黃帝之時則一也

抑無懷大庭之時歟

謂堯黃帝之時與上古無懷大庭之時則一

然則欲知合宮之聽者當觀之

衢室欲知衢室之問者惟求之康衢

打合得艷麗可觀

謹論

次名論亦佳但自講題以後文勢寢弱矣

順題發明格 與合宮衛室聽問論同意

王者之論如何

戴慶煊

出處

荀子王制篇王者之論無德不貴無能不官無功不賞無罪不罰朝無幸位民無幸

生百姓曉然皆知夫為善於家而取賞於朝也為不善於幽而蒙刑於顯也夫是之為定論是王者之論也

立說

謂粹古之世上下相孚於忘言之中世道不古而後賞罰之論興焉王者非不欲忘

言也不容不見於言論也時當戰國肯意不明荀卿子有感於王者之事故有此語然賞罰之用見於言論之間亦豈王者所樂乎

批云

立意高行文老步步照應如珠走盤深得論體

論曰自粹古忘言之化不復見

感嘆上古不言賞罰之真情不見於後世而

後人主出而維持世道始不容於無言矣

後之人主不得不明賞罰

之論夫聲色示人非聖人之所尚也

以賞罰之用而見於言論非王者之本心

有王者作夫豈不欲以精神心術感通天下使夫人自

得夫好惡之正哉

謂王者非不欲忘言而使人知善之可趨惡之可避哉

時非上

古俗非樸略

王者之時非如粹古之時

凡昔焉之淳厚篤實者一轉

而漸入於浮偽矣

粹古之時則淳厚篤實至王者之時已有浮偽之漸

適斯世也

而王者出焉

照破題入小講

引 即吾心之公敷暢厥蘊

心形示於言

人以善善惡惡之方

善善則勸之以賞惡惡則懲之以刑

蓋有不得已於

此者

照主意以聲色示人非聖人之所尚也

以其不得已之心形而為不

得已之論

以刑賞而見於言論非王者之本心

是雖不足以擬忘言之盛

固不如粹古不言刑賞之盛照破題

而此心所存明白洞達昭然無隱於

天下

王者之心形於言論明示賞罰

舉天下咸知上意之所在而為之

趨捨焉

天下知賞之可慕則趨善知刑之可畏則舍惡

則與後世以神相示以

機相使者抑又不侔矣

以此心而形諸言固不如粹古之忘言亦勝戰國之時用智術

欽定四庫全書

論學錄尺
卷八

三

者要之以聲色示人豈真王者之所欲哉

方歸本意

荀卿談

刑賞於戰國而謂有王者之論在

引本文

吾謂王者深不

樂有此論也

發盡主意

王者之論如何請嗣言之夫粹古忘

言之化不見於世久矣

便照破題第一句意

上如標枝下如野鹿

莊子天地篇至德之世上如標枝下如野鹿言其時風俗尤樸野

當此之時不賞而勸

不怒而威

前公孫弘傳上古堯舜之時不貴爵賞而民勸不重刑罰而民不犯

形迹既忘

言語亦泯一人之心千萬人之心也

粹古之時忘言如此

固無待

啓之而後明迪之而後悟諄諄於口說之滕若後世之

尚口乃窮者

以上應接題聲色示人非聖人所尚二句
易咸卦咸其輔頰舌滕口說也又困卦

有言不信尚口乃窮也

時運而往樸散而漓

應冒子時非上古俗非樸畧

唐虞

之世去上古未遠也

唐堯虞舜之時

屋比可封

後楊終傳堯舜之民可比屋而

封象畫不犯

漢武帝制冊曰昔在唐虞畫象而民不犯

淳實忠厚之化猶有

存者

應冒淳厚篤實四字

而天命天討已不容忘言於此

書天命有德云

云天討有罪

降是則王者矣

以上是帝者事由帝而王引入本題

使天下而尚

洪荒人心而尚簡古三數王者繼世立極亦何樂於揭

此之論昭然為的於天下哉

使世道常如粹古之時王者亦不立為刑賞之論若

他人則便從王者之論說去然無此以上數句則文鳴勢太直了故如此宛轉應王者深不樂有此論也

呼王者之論王者之心也

照主意
心字

王者之心公平而廣

大明白而簡易譬猶大明當空萬象呈露

王者之心如日月之大明

而其宣之言論者亦不過欲天下知善之當趨惡之當

避人人有士君子之行而毋蹈於小人之歸而已

以吾心賞

罰之公而形諸言論使人知所趨避以上應冒子即吾心之公敷暢厥蘊示人以善善惡惡之方詩既醉云

云王者之論雖不足方古者忘言之盛而王者之心固

與忘言者之心無以異也

應冒子是雖不足以擬忘言之盛而此心所存明白洞達

等語上易知而不易使上宣明則下治辨語見荀子吾方幸王

者能與天下為公亦何敢必以粹古之事責之使世之

作福作威者托之以自神哉應冒子舉天下咸知上意之所在與後世以神相示

以機相使意甚矣世之以籠絡駕馭自神者易以罔吾民也

接上自神字自此以下數行照小講說其出幽幽其入冥冥不以心術旨

意明示天下迎之不見其端隨之不見其首懵乎茫然

無所底麗老語照冒子以神相示以機相使意彼固以為得聖人神道設

教之妙易麗卦云云而不知世道不醇人心不古暗說戰國

機愈神則心愈蔽心愈蔽則法愈滋

此心之公不形於言則其天下皆不

知賞刑之用而法愈甚

天下固欲求一日之遷善遠罪而不可得

也

孟盡心王者之民皞皞如也殺之而不怨利之而不庸民日遷善而不知為之者

然則王者

之有論獨非問之大者

引歸本題組結

王者固不欲以言語瀆

天下而不能不至是

應冒接題聲色示人非聖人所尚意

亦以有功不賞

有罪不誅雖唐虞不能以化天下

漢宣帝地節三年詔云云

粹古無

言之化固非吾所敢望也

應破語

而復旨意不明心術不

露其與以籠絡駕馭自神者相去一間耳

應前段語結盡本段意

求之於書甘誓而下殷盤周誥無慮數百言

並見尚書賞刑

之論間見層出王者之論興而王者之心白矣

甘誓殷盤周誥

皆王者言刑賞實事須如此拈出

抑孰識王者之心雖白而王者之本

心固不能以自遂也耶

又轉入本意以聲色示人豈王者之所欲哉

故嘗謂

王者之心一天也

他人說到此則筆力竭矣此又以天之心比王者之心說得廣大

雨

露之霑濡雪霜之剥裂天之賞刑也

王者之賞如天之雨露王者之罰如

天之雪霜

天未嘗以言語示人而機動化神莫測其妙固有

終天下日由於福善禍淫之中而不自知者

亦猶王者未嘗以言

語示人而天下之人自知賞之可趨罰之可避又書云天道福善而禍淫世降俗移王者

不得以天道化天下反斯世於醇醲簡朴之盛接上要

其中心之所存則豈王者之得已哉應冒子以其不得已之心形為不得

論已之有能因王者之論邇王者之心亮其不得已之意

而知其與世之機密不測者實有間焉則幾矣此數句繳盡小

講之意應彼戰國何如耶就荀卿感時之意結極得體機巧相角詭

偽相勝應冒以神相示為君者非無言也不以言明民

而以言愚民使天下莫識避就之方而賞罰之逆施者

多矣

應音意不明心術不露以籠絡駕馭自神等語

荀卿生其時目其弊而遐

想乎王者之論

文引本

嗚呼粹古忘言之盛吾不得而見

之矣

應破語文字圓轉如走盤珠

得見如王者斯可矣

學論語句法

此固

卿之心也然則卿其有感也耶

收拾一篇之意無遺恨

謹論

可與前篇參看

推原題意格 與鄒魯守經學論同意

漢諸儒修藝文如何

謝奕孫

出處

後漢鄭玄傳論自秦焚六經聖文埃滅漢興諸儒頗修藝文及東京學者亦各名家而守父之徒滯固所稟異端紛紜互相詭激遂令經有數家家有數說章句多者或至百餘萬言學徒勞而少功後生疑而莫正

立說

六藝之文因秦焚之後文字廢失諸儒修舊補廢無非齊魯之士豈非此邦漸染聖賢之餘化其天性純篤出於自然此六經之學所以復存也此意本之司馬遷儒林序議論見

題下注

批云

就題目大處起議論足見學問精深見識超卓使低手當此題不過就修字上粧點

耳安能有此筆力有此文章

論曰經學既廢而復存

謂六藝之文既廢於秦火復存於漢皆諸儒修之功

以驗聖賢餘澤之所自矣

且含蓄主意藝文者皆齊魯諸儒

夫已廢

者未易以遽興而已缺者未易以遽全也

且說藝文已廢缺了未易

修有如當經學廢缺之餘

暗指西漢

而畢力補復猶能使來

者之有考

諸儒能修之有補後世

此豈無自而能然哉

幹一轉結上生下

自字應破題

亦惟聖賢之餘化深浹乎禮義之邦

指齊魯二邦而

考古好學實出於天性之自然

指齊魯諸儒天性純篤

故其前後

相承源流如一

前後諸儒皆以修藝文為已任

雖經學之厄於一時

經焚

於秦

而相與維持遺文卒賴之而不滅也

漢諸儒修之之功

嗚呼

是其源委蓋深長矣

亦含蓄主意來說應破聖賢餘澤之所自意

秦壞六經

而漢儒修之壞之之易而修之之難也

敘本

然藝文賴

之以復修者則齊魯之士居多

發出主意

何哉設問聖賢之教

薰陶已深而世習其業終久不忘

指齊魯諸儒如此

秦縱壞之

而人心之經學終不可得而泯也

見得齊魯諸儒與他邦不同

然則

六藝之修獨非齊魯聖賢餘澤之驗歟

發出主意

漢諸儒修

藝文如何請因范蔚宗之言而有考焉

後漢乃范曄所著曄字蔚宗

夫儒林有傳自太史公始也

司馬遷也

太史公之序儒林也

叙遷本文

其言夫子之述六藝所以憫時行道之意誠深切

矣

史儒林周衰孔子憫王道廢而邪說興是以詩書修起適齊聞韶西狩獲麟曰吾道窮矣因史記作春秋

以寓王法

蓋至論齊魯之士則及其習俗之雅厚天性之純

篤

同上至于始皇儒術既絀然齊魯之間學者獨不廢又見下注

與其更變履艱而卓

然固守之意反覆慨嘆拳拳不釋焉

同上秦季焚詩書坑術士六藝缺矣

高帝誅項籍舉兵圍魯魯中諸儒尚講誦習禮樂弦歌之聲不絕豈非聖賢之餘化存禮樂之國哉夫齊魯之間於文學自古而復從為之辭曰漢興諸儒始得修其

經藝

同上漢興諸儒始得修其經藝講習大射鄉飲之禮

始嘗疑之

設

聖賢聞人

心之理而作經

又原聖賢作經之意

將欲使天下之昭昭非一方

一國之所得而私也

非獨齊魯為然

通經好古奚獨齊魯之士

為然

發明上意

而經學之復修卒亦齊魯之是賴

喝出齊魯主意何

歟

設問

蓋天下之理非出於漸染之已深者則其所習為

易回

反應冒齊魯得聖賢之餘化意

非出於情性之固然者則其所業

為易變

反應冒齊魯諸儒天性之自然

齊魯聖賢之邦也孔孟周遊其

間而以經學淑後進者弘矣

見得齊魯得聖賢之餘化

化行當時澤

在人心誰忍忘之非惟不忍忘也而且安之以為業矣

見得齊魯諸儒天性之自然

講學於儒術既紬之後弦歌於引兵迫

城之餘

並見原題儒林傳注

風聲氣習終始純固

中前意

史固謂其

襲聖賢之餘化而天性然也

繳前意相照應

是雖烈焰之酷

秦焚

詩書禁網之苛

漢除挾書之禁

而學士大夫口誦其文心惟其義

惟念

兢兢傳守以世其家

應冒世習其業終久不忘意

固有經百變

而不詘者矣

應冒秦縱壞之而人心之經學不泯意

藝文之復修非齊魯

諸儒之功而誰歟

反綴大有

自今觀之伏生濟南人也而

言書田生菑川人也而言易皆其教之著於齊魯者也

儒林傳言尚書自濟南伏生言易自菑川田生二人皆齊魯之儒

高堂生以禮名申公

轅生以詩顯而春秋一經實胡毋生聲其學於不傳之

後茲非炳炳於齊魯之間者乎

同上言禮自魯高堂生言詩於魯則申公於齊

則轅固生言春秋於齊則有胡毋生此四人皆齊魯之儒

自時厥後緝比遺編推尋

斷簡

說修藝大

使繼之者有稽而傳之者有宗

應冒猶能使來者之有考

皆齊魯諸儒之力也

歸重主意齊魯上

夫自秦氏之厄而六經

之遺響幾墜矣

儒林傳秦焚詩書

是數公者

齊魯諸儒

以其耳目之

所及師友之所傳更相討論互為正救

說諸儒之所講明如此

而

六藝賴之以復立絕者復續缺者復全而息滅者復盛

數語說六藝得諸儒修之力

萬世而下獲味六藝之全文而繼見天

地之大造諸儒之功顧不遠歟

指齊魯諸儒之功

不然丁寬以

易著於梁者也而原其學則本於齊之田何

前儒林傳自魯商瞿

子木受易孔子以授魯橋庇子庸至于乘授齊田何又丁寬傳寬梁人初梁項生從田何受易時寬為項生從

者材過項趙綰以詩名於代者也而原其學則授於魯生遂事何

之申公

申公傳魯人少事齊人浮丘伯受詩蘭陵王臧及代趙綰亦嘗授詩申公

經學淵源

信不為無所自來矣

應冒題自字

然則六藝之修吾安得不

歸功於齊魯之諸儒乎

繳盡講中意用實事作講題皆有證據

嗟夫已廢

者難修而既修者易定也藝文之復修諸儒用志亦甚

苦矣

擢出西漢諸儒

而東京之士反不能因已修之書而求至

當之論何哉

引本出處設問

大庭會議而戴馮以辨給禦衆

後儒

林叙傳光武正旦朝賀百僚畢會帝令羣臣能說經者更相難詰議有不通輒奪其席以益通者馮遂坐五十

餘韓歆欲立古學而范升陳元之徒紛如聚訟范升傳時尚書

令韓歆上疏欲為費氏易左氏春秋立博士詔下其議云云升對曰云云陳元傳建武初時議與立左氏傳范

升奏以為左氏淺末不宜立升聞之乃上疏云云觀蔚宗所載若任戴包薛之

徒類皆互相詭激而非有志於聖經之奧旨者也任安包成

薛漢並見儒林本傳無忝前修僅有康成一人而已題注下文鄭玄括囊大典

網羅衆家刪裁繁誣刊改漏失自是學者畧知所歸夫諸儒能全其書於經之已

壞指西漢諸儒而後學不能守其業於經之已全指東漢諸儒諸

儒能出力以任其至難西漢諸儒而後學不能平心以考其

所易

東漢諸儒

遂使六經之粹學反累於衆氏之繁誣是則

東京之士其有負齊魯之諸儒甚矣

責東漢諸儒不如西漢諸儒

蔚

宗既以修藝文為諸儒之功而復以滯固所稟為守文

者之病

本題注

其亦有感於漢興之諸儒也夫其亦有憾

於東京之學者也夫

未意雙結多少感慨意在言外妙論妙論

謹論

此篇以藝文之修皆齊魯諸儒之功後篇以經學之

守皆鄒魯諸儒之力無非得聖賢之餘化兩篇文意

一同

推原題意格 與前篇漢諸儒修藝文論同意

鄒魯守經學

綿焯

出處

鄒陽傳陽曰鄒魯守經學齊楚多辯知韓魏時有奇節

立說

鄒魯乃聖賢之邦當守聖賢之經學然文景以前鄒魯之諸儒不尚傳注猶知守聖人之經者武宣以後鄒魯之諸儒惟尚傳注而已安知經學之可守哉君子當觀其時可也

馮厚齋批云

史傳魯事甚多鄒事甚少此論謂鄒鄰於魯而合於漢既善立說善

用事且考究精詳排布有理足觀學力

論曰傳注之學未興

說漢武帝景帝以前諸儒傳注之學未興

則聖經之傳

正矣

言鄒魯所守之學却為近正

君子於是得以考其時焉

時謂鄒魯乃文

景以前之鄒魯非武宣以後之鄒魯

夫居聖賢之邦

鄒魯之邦

而傳聖賢之學

聖經之學

雖百世不變也

前後當如一

何必考其時哉

設難幹時字

蓋

方其去古未遠聞道之士猶多

答是時猶近古

而上之人未始

以利祿為誘人之具以待天下

上人所誘

當時學者惟知

守聖人之經而已

下人所誘

又況幸而居聖賢之國者耶

何況鄒魯之邦嗚呼降是而求之其學非不盛也

降者下也謂下是經學亦

盛而盈學者之口耳不過前日講誦之餘其去經愈遠

矣

說初問只是守聖人之經後來專一理會傳注

魯夫子之國也

魯聖人後

鄰於魯

而合於漢者有鄒焉

鄒亦聖賢之後

鄒人非魯比其聖賢亦出

於其間

鄒亦如魯

故終漢世言儒雅者必先鄒魯

惟鄒魯為正

然

鄒魯所守之經學者此文景以前之鄒魯非武宣以後

之鄒魯也

發出主意

鄒魯守經學請申論之夫鄒魯何國哉

直叙起

自春秋而魯以周公之後為儒者之國

周公封於魯而

邾亦預玉帛盟會之列矣

見下注云

迨戰國而魯之諸儒以

孔氏為家法自高

韓文楊墨塞路孟子辭而闕之云云今學者尚知宗孔氏

而鄒以

孟子之居往來四方賢俊之士矣

孟子題辭鄒本春秋邾子之國至孟子時

改曰鄒國近魯後為魯所并

則其風聲氣習之所感何往非經學哉

見得鄒魯二邦之學為正

然君子猶得以考其時也

應主意時字

且鄒之

入於魯久矣

見上注孟子題辭

而合為魯分

同上鄒國近魯後為魯所并

離

為魯東海則自漢始

見前漢地理志

凡以名見於二漢儒林之

士而號魯東海之儒者皆鄒魯之經學也

前漢儒林傳孟喜東海蘭

陵人中公魯人后蒼東海邾人孟卿東海人嚴彭祖東海下邳人顏安樂魯國薛人

嘗竊深求之

考惟見后蒼之詩訛而為翼氏之五際非出於經而出

於傳注也蒼非東海乎

翼奉傳詩有五際注孟曰詩內傳注五際卯酉午戌亥陰陽終

始際會之歲則有變改之政又見上注

惟見夏侯之書甚而為父子之同

異非出於經而出於傳注也夏侯非魯乎

夏侯建傳勝非建曰章句

小儒破碎大道建亦非勝為學疏畧難於應敵

至於孟喜之傳會乃轉而從蜀

人之繆說則是以東海之士從蜀士之學抑又甚焉

與傳

附同孟喜傳蜀人趙賓為易文以箕子者萬物方茲滋也

大抵武宣以後士習日傳

武帝宣帝以後諸儒專尚傳注之學不如文景帝以前

由訓詁而為章句由章句

而為文辭為科目

文體曰變一日

去經愈遠而經學愈駁

傳注愈專

經學愈雜

其師半鄒魯

為師者半居鄒魯之地

其從而學者非鄒魯之

士必其游鄒魯者也

其從游者無非鄒魯之人

又安在於守經學也

哉

武宣以後諸儒不能守經學

然則鄒陽之言要必有所考矣

引本文

夫論一鄉之士不若論一時之士

用孟子語照時字主意

楚皆卿

材可以觀於子木聲子之時

左襄二十六年聲子如楚子木問晉故對曰晉卿不

如楚

其大夫則賢皆卿材也

而不可以言於屈平子蘭

之日

屈平為楚懷王左司徒子蘭懷王女弟

以此比武宣以後之鄒魯衛多好善可以

考於衛文復國之初

干旄詩衛文公臣子多好善賢者樂告以善道也

以此比文景以

前之

而不可以議於夫子正名之際

語十三子路曰衛君待子而為政子

將奚先曰必也正名乎

以此比武宣以後之鄒魯

吾故以謂欲求經學於鄒魯

者盍亦求之於文景以前而已矣

觀上面二股之証則題意曉然矣

今

夫孔孟之化無非鄒魯故地

孔子居魯孟子居鄒

顧何獨於文景

之前

設難

蓋方是時干戈方息文墨未興則其風俗為猶

古

應冒意見下注

庠序未盛科目未分則其意向為猶古

應冒去古

未遠聞道之士猶多

天下之學者惟鄒魯鄒魯之學者惟聖經其

得之於私淑

孟有私淑父者

講之於羣居者

語羣居終日

皆吾夫子

之易詩書春秋而已

孟序孔子自衛反魯云云乃刪詩定書繫周易作春秋

而為

之師者詩有申公禮有高堂生焉

前漢儒林傳言詩於魯有中培公言禮則

魯高堂生

為之徒者有綰與臧焉

又申公傳蘭陵王臧本治詩而趙綰亦受詩

文

景之際如申公之門受業以千數此固陽也所親見而

喜道

同上弟子自遠方至受業者千餘人言其時鄒陽親見故喜而道及此語

則其一時

師友之傳終身不易之守自經學之外無他學也宜矣

詠題上守經學字

夫學不難於傳而難於守

又喚起守字

不守以經

而守以傳注非守也

要守以經

不守之以心而守之以口耳

非守也

要守以心

是故其守之堅也攻以異端而不能惑破

以傳注而不能入奪以勢利而不能移

如此方是守經學

古經

之禮止於十有七篇而已非不能為異日之四十九篇

也懼其虧吾聖經之全也

前藝文志漢興高堂生傳古禮十七篇

魯詩獨

以經為訓而闕其疑豈誠有不知哉不如是不足為守

也

同上

嗚呼此文景以前之鄒魯亦文景以前之經學也

照冒主意

而後之議者

貶或者之議

徒見其寂寥簡短章句不多

得之師承僅一間見

如前注申公高堂生之徒

往往太息不滿於庠

序未遑之事

儒林傳諸儒始得修其經學云云然尚有干戈平定四海亦未遑庠序之事此文

景以前之鄒魯能守經學有足取

武帝以來鄒魯之士多卿相鄒魯經

學滿四方

同上自此以來公卿大夫吏彬彬則大書特多大學之士云云

詳見儒林傳則大書特

書支分派別以為盛而昌言之

言鄒魯之學盛

夫豈知經學之

盛乃經學之衰哉

此武宣以後之鄒魯不能守經學徒尚傳注之學不足取

雖然陽

也既親得而見之矣

繳前意

而區區歷聘徒欲訪奇謀之

士以解一時之紛而已

求抑鄒陽本傳梁王令人刺殺袁盎上責梁王始勝詭謀陽爭

不可故見讒及事敗迺思陽言齋以千金求解於上陽
素知齊人王先生年八十餘多奇計即往見語其事先
生曰云云誠難解也惜乎使其誠知經學之有益於人國方事變

未萌君心猶正

謂梁孝王

為之訪求經學之士得其如常孟

王式者使在王所焉豈有異時之憂哉

帝賢傳魯國鄒人也其先常孟

為楚元王傳又王式傳為昌邑王師以詩朝夕授王

孟居魯也式亦受業於魯矣

有其仗節死義之風千載而下猶凜凜也

謂常孟王式能盡節則

魯不惟守經學亦知守節義矣

愈好

高帝知之

本紀高祖引兵圍魯

魯中諸儒弦歌不絕知其為守禮義之國

而梁之君臣不知

謂鄒陽徒能言鄒魯守經學而

不能救梁孝王之過

宜惟梁王

又為陽寬一著

舉漢人之言鄒魯者未必

知也

謂當時鄒魯之士皆未知節義可守

愚故發此以廣鄒魯於天下云

推廣此意文

謹論

思古傷今格 與易象魯春秋周禮論同意

周禮盡在魯

馮椅

出處

左昭二年晉侯使韓宣子來聘觀書於太史氏見易象與魯春秋曰周禮盡在魯矣

吾乃今知周公之德與周之所以王也

立說

周之禮廢於王轍之東則王制已無存周之書存於侯國之藏則王制尚可考韓宣

子聘魯之日惜周禮之不復及觀易象春秋之書奮然曰周禮盡在魯者蓋以有易之象足以探是禮之原有魯之春秋足以志是禮之變因其書之僅可考而求其禮之已無存非於所深惜之中而致其所甚幸之意歟

批云

節節照應感嘆之意浮於言外

論曰王制之不存固君子之所惜

謂周禮已廢宣子所以惜之

王制

之僅可考亦君子之所幸也

謂易象春秋之書猶有可考宣子所以喜之

天

下之理

順說

已廢者無據

廢謂周禮已不存

而有證者可推

證謂易象

春秋猶可考

周之禮其廢於王轍之東也宜若無有存者也

周禮至周末已不存

周之書其存於侯國之藏也固亦有可考者

也

易象春秋猶藏於魯國則尚可考

即其書以推其禮由其義以求其

制

因觀易象春秋而知周禮之猶在

有聖賢者出則一王之法尚冀其

舉而行之

指孔子讚易修春秋以明周禮意為後面張本

君子無志於斯則已

暗指韓宣子反說

苟有志於斯也

正轉歸

安得不於所深惜之中

致其所甚幸之意歟

應破語惜幸二字繳結

韓宣子以晉之臣而

致魯之聘其請觀太史氏之書者

引本文

非徒博古也蓋

觀禮也

宣子之意不在書而在禮

有易之象足以探是禮之原有魯

之春秋足以志是禮之變

此二句是一篇綱領

得其所非望而滿

其所甚欲

宣子意當時周禮已不存今觀二書而知周禮之盡在魯是謂得其所非望而滿其所甚

欲奮然曰

此三字下得最好形容得宣子當時氣象出

周禮盡在魯矣嗚呼

嘆惜起周禮果在魯乎愚不得而知周禮其不在魯乎愚

亦不得而知也

就題辨論雙股疑下是學柳子厚封建論文法

然而君子曰是

秉周禮者也是天下所從資禮樂者也

左閔元年齊仲孫湫來省魯難

曰魯猶秉周禮未可動也

若然則豈但盡在魯哉雖斷之以盡在是

可也

語有批幹

抑觀入春秋以來

舉春秋時事來說

隱桓爭立而嫡

庶之大法不立矣

隱傳惠公元妃孟子卒繼室以聲子生隱公宋武公生仲子生而有文在

其手曰為魯夫人故仲子歸于我生桓公而惠公薨是以隱公立而奉之

仲子兼賁而夫婦

之大倫不正矣

隱元年秋七月天王使宰咺來歸惠公仲子之賁賁芳鳳反注助喪之物

即位不告而君臣之大義不明矣

同上元年春王周正月不書即位攝也注

假攝君政不修即位之禮故史不書於策傳所以見異於常

況於文物之微度數之

未一非成王周公之舊禮惡在也

言周禮之小者至春秋時亦不存

宣

子之言無乃爾是過歟

難宣子所言學論語句法

噫

嗟嘆之辭

我知之矣

文解上

詩書非為泰和計也而觀詩書者可以知唐虞成

周之泰和

揚子孝至或問泰和曰其在唐虞成周乎觀書及詩溫溫乎其和可知也

周之班

爵祿非以有籍而加損也而苟去其籍雖博物如聖賢

不能言其詳

孟萬章下北宮錡問曰周室班爵祿也如之何孟子曰其詳不可得聞也諸侯惡其

害已而皆去其籍去上聲以上二股證本題如觀易象春秋可以知周禮蓋古人之大綱

小紀至纖悉也指周禮而或剝蝕毀裂之餘有非臆見之

所能定

應冒子周之禮廢於王轍之東宜若無存意

而古人之殘編斷簡若

甚粗矣而其本末源流庸有可以義起也

應冒子周之書藏於侯國

猶有可考意

此宣子所以動心於易春秋之觀而奮然以為

周禮之盡在於魯也歟

引本文應舉題奮然曰字

夫易何為者也肇

伏犧而成於文王當是時周之禮未備也

易釋文序伏羲因河圖而

始畫八卦因而重之為六十四周文拘於羑里作卦辭

是何文王於倥偬不暇給

之日而為是迂緩不切之務耶

設難疑未足以存周禮

若春秋則

魯史爾其諸侯之策書赴告無國不紀也而豈復周公

制作之初哉

春秋序周德既衰官失其守上之人不能使春秋昭明赴告策書諸所記注多違舊

章仲尼因魯史策書成文云云上以遵周公之遺制下以明將來之法注崩薨曰告又設難疑春秋亦未足

以存周禮也誠以文王之造周其精微之蘊皆寫之於易而

後世之變法改制者即春秋可以知其故也

轉歸正意謂易與春

秋皆可以存周禮

象於謙而制禮

易係辭謙尊而光謙以制禮亨

象於豫而作

樂

豫卦象曰先王以作樂崇德

象於萃而享帝立廟

萃亨王假有廟云云王假有廟

致孝

此易也

此易存周禮之小者

而其大者自乾坤一畫而天地

之尊卑以定高卑之貴賤以位

通鑑文王序易以乾坤為首孔子係之曰天尊

地卑乾坤定矣言君臣之位猶天地之不可易也

周之禮非可即是以探其原

耶書六羽則八佾之僭禮見矣

隱五年公問羽數於衆仲對曰天子用八諸侯

用六大夫四士二夫舞所以節八音而行八風故自八以下公從之於是初獻六羽始用六佾也

書三

望則卜郊之失禮見矣

左傳三十一年四卜郊不從猶三望

書丘甲則制

貢之非禮又見矣

成元年三月作丘甲注周禮九夫為井四井為邑四邑為丘丘十六井出

戎馬一匹牛三頭四丘為甸甸六十四井出長轂一乘戎馬四匹牛十二頭甲士三人步卒七十二人此甸所

賦今魯使一丘出之譏重飲故書

至於朝聘會盟以邦交書

左朝如邦子來朝之

類聘如晉知武子來聘之類會如公會戎于潛之類盟如陳及鄭伯盟之類

蒐苗獮狩以國

事書

隱五年故春蒐夏苗秋獮冬狩皆於農隙以講事也注蒐索擇取不孕者苗為苗除害也獮殺取也

狩圍也 禘雩烝嘗以時祭書

閔二年夏吉禘于莊公速也又經書大雩比三十四又桓

十四年秋八月乙亥嘗書不害也又桓五年閉蟄而烝書凡三

周之禮非可即是以志

其變邪

以上一段應冒子有魯之春秋足以志其禮之變後篇講中全襲此文法可以參看

禮

之未作必有以求其原之所自來禮之既失必有以稽

其變之所自始

總上二段

自本及末皆有考焉

應冒子可考意

此宣

子之所深幸也

應冒子所甚幸意

嗟夫

嗟嘆敷演餘意

成周一王之制

萬世不刊之典也必待其人而後行

應冒有聖賢者出則一王之法尚冀

其舉而行之經者萬世不刊之書也

春秋序

昔者周公之相成王極其精神

心術之運寓之文物度數之間雖與天地相為終窮可

也

說周公制禮之本意欲傳之萬世

奈之何穆王立而周道始衰矣有

宣王出則古可復也

史周紀王道衰微穆王閔文武之道缺又詩宣王復古也

平王

東遷而周道益微矣出而復之者誰乎

春秋序周平王東周之始王也

以上應冒子周之禮其廢於王轍之東也

是責非宣子之所能勝任也而

已非宣子之所能忘情也

應冒子苟有志於斯世二段

玉帛以相見

而典籍之是觀宣子之志篤矣

說宣子來聘魯觀書之時

慨嘆深惜

之餘而奮然以為猶盡在是

應冒深惜奮然字

庶幾周禮之有

考而來者之可俟也

應冒可考字

未幾而孔氏出焉

應有聖賢者出

一段一有其德無其位

書序有至德而無至位

彷徨四顧卒於讚易而

修春秋茲非宣子之志邪

書序先君孔子生於周末云云遂乃定禮樂明舊章刪詩

為三百篇約史記而修春秋讚易道以黜八索

不然孔氏得時亦嘗有志於夏

殷之禮也之杞之宋曾無文獻之足徵也則固不能言

之也

語八偷夏禮吾能言之宋不足徵也文獻不足故也又見下

卒有

得於夏時坤乾之書

記禮運我欲觀夏道是故之杞而不足徵吾得夏時焉我欲觀殷道

是故之宋而不足徵吾得坤乾焉

則即其義與其書以言之况宣子也

引證歸本題

然而連山歸藏與周之易而三者也而魯不之

藏

孔穎達易疏序三代易名神農一曰連山氏黃帝一曰歸藏氏既連山歸藏並是代號則周易稱易取山

陽地名

晉乘楚杙亦與魯之春秋而三者也而宣子不之

觀

孟離婁下詩亡而後春秋作晉之乘楚之檇杙魯之春秋一也以上二段應周之書存於侯國之藏

是又何說歟

又難宣子何不觀諸書而獨觀魯春秋

茲非孔氏之杞之宋

之意歟

應上面引證語

天下故曰魯有道之國也

又挈魯說

晉之宣

子聘魯有書可觀

本文

吳之季札聘魯有樂可觀

襄二十九年吳

公子札來聘請觀於周樂云云

諸國無之而魯有之是可幸也

應甚幸意然

魯有之而不用之亦可惜也

應甚惜意

孔子生於魯矣而道

不行宣子何責焉

繳孔子事出脫宣子

後乎幾千百年而河汾之

士乃欲執此以往則又可重嘆也

中說魏相篇子居家中說魏相篇子居家中

曰云云如有用我則執此以往

從冒至大講皆先說

深惜而後却說甚幸未意却先說甚幸而後却又說甚

惜皆文字之圓轉

處可與後篇參看

後篇皆脫此篇文意

思古傷今格 與馮厚齋周禮盡在魯論同意

易象春秋周禮如何

羅志道

出處

左昭二年晉侯使韓宣子來聘觀書於太史氏見易象與魯春秋曰周禮盡在魯矣

吾乃今知周公之德與周之所以王也

立說

謂國以禮而立禮以書而傳天下不可一國無禮則亦不可一國無書有如易象足以探周禮之原春秋足以志周禮之變魯而有是書此固韓宣子幸其周禮之盡在魯然列國皆周之臣子今宣子之聘自魯而齊自齊而衛而是書獨於魯乎見而他國咸無焉書亡而禮與之俱亡君子安得不為世道惜乎

批云

立說既高遺文警策有一唱三嘆之味當是老手

論曰因書而知王制之僅存

韓宣子因易象春秋之書而知周禮之猶在魯固

可為世道幸

幸者幸魯國之獨有此

亦可為世道惜

惜者惜他國之無此夫

禮可以為國也久矣

便說禮字識綱領

古人寓是禮於典籍之

間正欲為憑藉無窮之地

周禮寓於易象春秋之書正欲存此禮為長久之計後

之人有能保其書於不墜

暗指魯有易象春秋之書

而王制猶有考

焉

而周禮有所稽考

豈不甚可喜者

固可為魯喜

而君子顧為是不

滿何歟

不滿字應破惜字畧難一難

蓋國以禮而立

周禮以書而傳

易象春秋

天下固不可一國而無禮

禮周

則亦不可一國而無

書

易象春秋

苟於世衰道微之時

春秋之時

而亦絕無僅有為貴

諸國皆無而魯獨有

則君子之所憂殆有甚於所幸者矣

憂字亦應惜字

憂他國之無是書而幸魯國之有是書

韓宣子晉卿也來聘魯庭觀書太

史而特於易象春秋有取焉

引本文

誠以易足以探禮之

原春秋足以志禮之變

二書皆周禮之所寓

魯而有是書也則周

禮在魯固可為魯幸也

應固可為世道幸

然書不見於他國而

獨於魯乎見禮不在於他國而獨於魯乎在君子寧不

重有感於世變歟

應昌亦可為世道惜
感字亦惜之意

易象魯春秋周

禮如何請申論之人皆曰論禮於叔季之世者不可以

隆古例言也

周末不可以古為比
且就本題設難起

古之盛也

唐虞三代之時

禮

達於日用常行之間固不待書而後見

天下皆知禮不待易象春秋而

後知為餘
意張本

世變不古

春秋之時

得見典籍之禮斯可矣

必有易象

春秋之書方知
周禮之所寓

況國異政家殊俗有不能以一律齊

詩大

序云苟於文獻不足之時而猶有舊章之可證

語八倫
夏禮吾

能言之杞不足徵也
足故也有書可觀猶可以知禮

文獻不

亦不啻衆狂而醒衆鬢

而冠也

離騷衆人皆醉惟我獨醒又曲禮一冠而九疊注音搗散髮也

猶他國皆無是書而我國有是

書喜將不暇而何議之為

從原下至此應冒王制猶有考焉豈不甚可喜殊不

知書備於一國不若列國之皆備禮存於一國不若列

國之皆存

不特魯國有之他國皆有之尤好

聖人舉是禮之寓於書者

正欲使天下之皆有書而望天下之皆知禮也

應冒古人寓是

禮於典籍之間數句正欲諸國皆知周禮

豈特為一國計哉

豈止為魯一國之計

今駭

於一國之僅有而稱嗟嘆慕反為當時之美談

指韓宣子來聘

觀書於太史氏見易象與春秋曰周禮盡在魯矣

則是知足音之可喜而忘空

谷之足悲也

莊子逃空谷者聞足音而喜應固可為世道幸意譬如千金之家

子孫蕃衍固有為之本者

如周禮

迨其後也僅存前人之

遺緒者曾不一二

如易象春秋之書

或者指是以為誇

以此為喜

而

不知所恨者多矣

可惜尤甚於可喜

易象春秋之在魯何以

異是

收入本題

且夫易之為卦六十有四其吉凶皆以象告

而其辭則文王之所為也

史周紀西伯益易之八卦為六十四又易係辭八卦以象

告而吉凶可見

春秋雖魯史耳而赴告策書諸所記註皆周公

之遺制也

左序春秋者魯史記之名也云云上之人不能使春秋昭明赴告策書諸所記註多遺舊

章仲尼從而明之上
以遵周公之遺制
文王寫精微之蘊於易象實所以

開周禮之原

應冒易足以探禮之原

周公垂紀載之法於春秋實

所以防周禮之變

應冒春秋足以志禮之變

魯而有是易象也

先說易象

書則因乾坤而知君臣之所以位

通鑑文王序易以乾坤為首孔子繫之曰

天尊地卑乾坤定矣言君臣之位猶天地之不可易也

因咸恒而知夫婦之所以

別後荀爽策夫婦人倫之始因豫而知作樂崇德之由

易豫卦象曰雷出地奮豫先王以作樂崇德

因比而知建國親侯之本

此卦象曰

地上有水比先王凡周禮之所自出者皆可於是而探

其端矣

綴此段易象存周禮意

魯而有是春秋也

此說春秋之時

則因朝

聘而知私交之失

左定十五年邾子來朝襄九年晉知武子來聘四年穆伯如晉報知武子

聘之因侵伐而知兵交之禍

左莊二十九年天子之師有鐘鼓曰伐無曰侵

因雩

禘郊望而知祠祭之非古

左桓五年秋大雩書不時也僖八年秋禘而致哀姜非禮

也三十一年四卜郊不從猶三望

因稅畝丘甲而知賦斂之非制

左宣十五年

年初稅畝非禮也成元年作丘甲

凡周禮之所由壞者皆可於是而求

其故矣

綴此段春秋存周禮意

然則韓子見二書於魯而慨然謂

周禮之在魯非善於觀書者能之乎

論本出處意前一段講魯有易象

足以探禮之原後一段說魯有春秋足以志禮而忽悟之變因說宣子因見二書而喜周禮之盡在魯

其所在者必其他有所不在者也

言宣子獨謂周禮蓋在魯而不在他國

人之常情駭於所見者必其所未嘗見

言宣子獨於魯見此書而他國

無之而君子不能不因是而有感也

應冒君子寧不重有感於世變列國

皆周之臣子典章文物受之先君者宜無以異

如齊衛諸國皆

當有此書易象豈獨私於魯者

豈特魯國有之

晉之乘楚之檇杌諸

侯各有國史

孟離婁下詩亡而後春秋作晉之乘楚之檇杌魯之春秋一也

豈但魯有

春秋而已哉

豈特魯國有之以上應天下不可一國而無禮則亦不可一國而無書秦盧

粵鑄夫人皆能則巧之名不聞

禮冬官考工記秦無盧粵無鑄夫人皆能為也

使書不專於魯乎見則禮亦不專於魯乎在也而何韓

子之慨慕若此

言諸國皆無易象春秋之書惟獨魯有之宣子安得不愧然嘆曰周禮盡在魯

吾觀韓子之聘自魯而齊自齊而衛周流列國不一而

足

言宣子當時亦應聘諸國

未嘗觀書於他國而獨喜書之見於魯

於魯

見易象春秋之書一見字說得響

未聞論禮於他國而獨謂禮之

在於魯

於易象春秋見周禮在魯一在字說得響

是儒書秉禮捨魯蓋無

足稱者矣

應冒子然書不在於他國一段

書不存於天下若未害也

易象

春秋之書

書亡而禮之俱亡

書亡則周禮亦亡

則世道所繫獨不凜

凜歟

應有感世道意

此君子幸魯之意不足以勝其憂天下之

情也

應冒子君子之所憂殆有甚於所幸者矣

抑又於魯有考焉

再考究魯實事

若

齊仲孫湫來省魯難嘗有猶秉周禮之言

左閔元年齊仲孫湫來省

魯難曰魯猶秉周禮未可動也

湫之所謂禮蓋觀於俗而不待觀於書

也

講後轉此意好應原題禮達於日用常行之間固不待書而後見

今韓子之所謂禮

乃指易象春秋而言之魯殆非昔比也

引本文繳上意

于時昭

公娶同姓而貽不知禮之誚

語七陳司敗問昭公曰君娶於吳為同姓云云君而

知禮孰不知禮

屑屑焉習儀以亟而不知行其政令毋失其民

之謂禮

左昭五年齊女叔齊曰魯侯焉知禮是儀焉禮所以行其政令無失其民者也云云而屑屑焉

習儀以亟言善於禮不亦遠乎則周禮之在魯亦徒書而已耳

駁倒本題言是

時只存易象春秋之書而已安有周禮

雖有此書誰無此書

結上意用孟明焚舟之事

雖有此舟誰無此舟

雖然猶幸有書以待聖人之出也

便轉歸夫子去天

之生夫子不於他國而於魯則有意矣

此意極好

有德無位

遂取易象而讚之取春秋而修之

書序約史記而修春秋讚易道以黜八索

疏孔子修聖道有至德而無至位

豈惟周禮賴以不墜而大經大法垂

詔萬世向非魯史之藏未泯豈不重夫子之杞之宋之

嘆乎

猶幸魯史之書尚存也故之杞而不足證也欲觀

記禮運我欲觀夏道是殷道是故之宋而不足

證也然則二書僅見於韓子固可為當世惜而二書大明

於夫子尤可為後世幸云

論尾餘意雖見得之馮厚齋前篇論然此作論意精倒又

有能發厚齋之所未言者蓋破語謂固可為世道幸亦可為世道惜此段句則謂固可為當世惜尤可為後世幸皆相照應文勢圓轉可法謹論

前篇謂宣子來聘因而感王制之不存固可為世道

惜然周禮已廢而二書尚存猶可為世道幸

此篇謂宣子因觀書而知王制之尚存固可為世道
幸然他國絕無而魯國僅有深可為世道惜倒翻前
篇意可以參看

貶題立說格 與蕭瑀真社稷臣論同格

叔孫通為漢儒宗 陳子頤

出處

史記叔孫通傳叔孫通希世度務制禮進退與時變化卒為漢儒宗大直若誦道固

委蛇蓋謂是乎

立說

叔孫通非儒者何足為宗師太史公稱之以為漢儒宗者蓋寓其咨嗟不足之意非

真謂叔孫通可以為漢儒之宗者以通為漢儒之宗則漢之為儒可知矣是可重嘆也

批云

破千古之狐疑立一家之鯁論能言司馬子長之所不能言者使漢儒視之流汗竟

跣 矢

論曰觀一世風俗之所趨

指漢之儒者皆宗叔孫通

可以覘士氣矣

叔孫通非儒者不足宗師而漢儒且宗之則漢之為儒可知矣

夫士以儒稱

挈起儒字說

以

其議論之近正趨向之不惑卓然守先聖之道而不移

於富貴貧賤者也

必如是方謂之儒儀豈不誠大丈夫哉

孟子云公孫衍張

淫貧賤不能移

今有人焉

暗指叔孫通

竊儒者之道以自文

責叔孫非真儒

論卑氣弱與時俯仰而所計不在於其身

如此則議論不正趨向亦

偏挈之聖門固在麾斥之域矣

既如此則非守先聖之道韓文在夷狄則進

之倚門牆則麾之

而一世之士方且歆慕嘆美視其所言所行

以為模範之地畧無一人非之者

責漢之儒者方且鳴宗之而不議其非

呼嘆息

是固豪傑之士扼腕而嘆息也

暗指太史公叔歎息之意

孫通何如人也不言可知矣

下冷

堂堂漢儒豈無特見之

士而率其宗焉抑可傷也已

責漢儒不合宗之

太史公之論通

也以為與時變化卒為漢儒宗

引本文

人皆謂其美叔孫

也而不知太史公之意豈在於區區一叔孫通哉

叔孫通

以通如是而漢儒宗之則可以觀漢之為儒者矣

應破題意

分叔孫通為漢儒宗請繹其說焉且儒之為儒何如也

設問起

吾聞其道矣

又出一道字

幽與大極並生明與三才並

立大之而經天緯地小之而謀王斷國其道固如此

說儒

者之道大處曰文又漢谷永傳經術文雅足以謀王體斷國論

語見易係辭又尚書堯典注經天緯地

上說儒者之道

又聞其宗主之人矣

又說宗字

伊周之事業

伊尹相湯周公

相成王

孔子之六經

家語孔子刪詩述書定禮樂制作春秋讚明易道

孟子之議

論

孟子七篇之仁義

自荀卿而下蓋不數焉

荀子名况

其人又如此

以上說儒者可宗之人

叔孫通何為者

抑叙孫通

乃能處秦漢之間接

三代之後翹然為一代儒者之首是亦伊周孔孟之徒

歟

疑辭孟等

以叔孫為儒者之宗則是與伊周孔董仲舒贊後學有所說壹為羣儒首

太史公

何其言之謬也

揚中之抑且難一難

或者遂從而為之說曰

為太

史公解

太史公姑以一代儒者而論之爾

太史但謂漢儒之宗非固

俎豆於古聖賢也

非以伊周孔孟為比

然考漢世

又將漢一代人才來再難之

如賈生之開爽俊淑通達國體

賈誼通達國體本傳

董子之精潔

純粹終始仁義

董仲舒賢良策正其誼不謀其利明其道不計其功

此皆太史公

耳目之所及

二子皆漢儒司馬遷之所熟識

進而先之不猶愈於叔孫

通乎

二子勝似叔孫通遷何不取之

今也漢之儒者不宗賈董而宗叔

孫太史公亦聽然和之曰是其為漢儒宗者也此亦有

說乎

從考漢世起設難至此住

噫嘻

解又嘆惜之辭

太史公傷時悼俗之意

於是乎深矣

司馬遷儒宗之辭非美之也蓋寓客嗟嘆惜之意

蓋自秦人焚書

坑儒

孟子序迨至亡秦焚滅書詩坑戮儒生

世之縉紳先生褒衣博帶之

士掃迹於人間久矣

言秦時雖有儒者亦不出司馬相如難蜀文縉紳先生之徒儼然

造焉

注紳帶縉笏又見記內則注深衣大帶

山東事興

陳勝

議秦盜者卒亦不

免當時儒生凜然惟恐去禍之不獲

叔孫通傳陳勝起二世問博士諸儒

曰楚戊卒攻蘄入陳於公何如博士諸生或言反或言盜於是二世令御史按諸生言反者下吏非所宜言皆罷

獨叔孫生雍容異辭竟脫虎口人固病其為諛然亦不許

其智矣

同上通曰諸生言皆非夫天下為一家毀郡縣城鑠其兵視天下弗復用且明王在上法令具於下

吏人人奉職四方輻輳此特鼠竊狗盜何足置齒牙間哉

二世喜拜為博士通出反舍諸生曰生何言之諛也通曰公不知我幾以高祖之溺冠嫚罵

其冠溺其中又趙王酈食其傳沛公不喜儒傳上箕裾嫚罵之自酈生陸賈以下無能免者

酈食其陸賈皆為高祖所嫚罵而叔孫生又能短衣楚製首動人主喜儒之機

通傳通儒服漢王憎之乃變其服短衣楚製漢王喜野外之儀亦可起皇帝為貴之

嘆同上羣臣飲爭功拔劔擊柱通曰云云願徵魯諸生與

臣弟子共起朝儀云云與弟子百餘人為綿蕞野外習

之會長樂宮成諸侯羣臣朝以次上壽無敢謹譁

失禮者於是帝曰吾乃今日知為皇帝之貴也故其言

壯士則壯士用同上專言諸故進弟子則弟子官同上通

子隨臣久矣與共為儀委蛇宛轉之態不少忤物見題注

願陛下官之悲以為郎委蛇宛轉之態不少忤物見題注

蛇音怡言其而賜金折爵寵數便蕃見本傳賜帛二十足

曲折宛轉也衣一襲又拜一為奉

常或者睹其光燄赫奕之如此且據當時之人所見如此則回視兩生之

徒窮瘁自守亦真可謂不知時變者矣本傳通徵魯諸生

生不肯行通笑曰若三十餘人魯有兩

真鄙儒不知時變故其言善制禮必曰叔孫生高帝紀

贊叔孫

通制
禮儀

知世務者必曰叔孫生

本傳諸生喜曰叔孫生聖人知當世務

言引

薦人物不忘故舊者必曰叔孫生

本傳通降漢從弟子百餘人然無所進云

云弟子皆曰事先生數年今不進臣等專言大猾何也通曰云云諸生待我我不忘矣

當時之宗

仰如此固宜諸儒之所深慕切嘆也

自大講至此且先揚叔孫通似可以

為漢儒宗雖然

此語要幹轉下意非是自為一段

叔孫生之名重則重矣而

漢世之風俗則可悲爾

自此以下直抑叔孫彼以短衣不足以為漢儒之宗

楚製而見喜

見上

則頑鈍無恥之士雖顛倒衣冠而不

憚矣

陳平傳今大王嫚而少禮士之廉節者不來然大王能饒人以爵邑士之頑鈍嗜利無恥者亦多歸

漢彼以繇叢草儀而獲賞

見上注

則乘時規利之士雖侮

慢聖言而不懼矣

如弟子百餘人及魯所徵三十人皆乘時規利之徒又語侮聖人之言

寵錫之餘可以潤諸生師傳之榮可以華士類

見上注又拜通

為奉常又徙通太子太傅

自非特立獨行之士疇能不動心於是哉

記儒行儒有澡身而浴德其特立獨行有如此者

故自叔孫之名既重而後世

以儒名家者大抵慕其故步而規矩焉漢之士氣於是

乎索然矣

應冒子以通如是而漢儒宗之可以觀漢之為儒矣

太史公一世奇傑

魁磊之士

指本文司馬遷

豈若腐儒者宗叔孫以為趨向哉

麗食

其傳漢王吐哺罵曰李陵之事纔一開口而大戮隨之腐儒幾敗乃公事

李陵傳上聞陵降虜怒甚問司馬遷遷盛言陵事親孝與人信常奮不顧身以殉國之急有國士之風云云上

以遷誣用為陵環視在廷以丞相封侯文學拜爵者無游說下遷腐刑

非為叔孫所為之人公孫弘傳弘不肯面折廷爭云云封丞相弘為平津侯又兒寬傳以

射策為掌故功次補廷尉文學卒史云云拜寬為御史大夫以稱意任職以上二人皆阿諛順旨如叔孫通

蓋慨然發憤於此久矣而又不可與俗士言也謂司馬見當時

儒者皆效叔孫之所為所以發憤而言則於其贊叔孫通之語而特致其

意曰叔孫通希世度務制禮進退與時變化卒為漢家

儒宗

引本

嗟夫

嘆惜歸

希世而與時此豈足與言儒哉

以若人而漢儒宗之則漢之為儒可知矣

應冒

儒之失

其為儒固不足道而漢家他日必且壞於諛佞利口之

俗

遷意謂漢儒皆宗叔孫
諛佞之習恐相師成風

此固太史公之所致意也挹

其辭旨豈真為叔孫通榮豔之嘆哉

遷之言非美叔孫
也蓋寓其嘆惜不

足之意
應冒語

抑嘗因太史公之意而觀漢人之所以議論叔

孫氏者未嘗不鄙漢儒之陋而怪叔孫之幸也

又引他
人語叔

孫之事為
本題証

其羣弟覩朝儀之就固已稱之為聖人矣

本

臣願徵魯諸生與臣弟子共起朝儀云拜通為奉常因
進曰諸弟子儒生隨臣久矣與共為儀願陛下官之悉
以為即諸生喜曰則猶曰諸生嗜利懷私之論然也劉
叔孫生聖人云云

更生一世名流真漢儒中之謬謬者劉向本名更生而其封事

之語亦曰定公始皇賢季孟李斯而誚孔子叔孫見劉向本

傳是亦以叔孫為孔子之流也謂劉向以孔子叔孫並言嗟夫嘆惜之辭

叔孫通何以得此於劉子政哉劉向字子政習俗之移人雖

賢者不能免用陳止齋文愚於是益嘆孔孟不生而真儒之

道不復見於世云不足之意謹論

貶題立說格 與叔孫通為漢儒宗論同格

蕭瑀真社稷臣

歐陽復亨

出處

唐蕭瑀傳帝曰武德季太上皇有廢立議顧朕挾不賞之功於昆弟弗克容瑀於爾

時不可以利誅死
懼真社稷臣也

立說

謂之真社稷臣者必能誠死社稷而後謂之真也彼蕭瑀為梁宋臣既不能憫其宗

國之顛覆歷陳仕隋又非不事二君之義及為隋臣河池之守固當效死豈有一聞高祖之招遽然挈郡而歸之所幸天下歸唐得保首領以沒或天下不為唐有安保其不轉而之他哉太宗以真社稷臣許之過矣

批云

義正辭明可以斷千年不倒之公案使蕭瑀親聞此言亦當招伏讀之使人毛髮洒

浙耿耿不寐

論曰許人臣以任天下之重

指太宗許蕭瑀為真社稷臣

當觀其所

履之素

瑀歷陳仕隋又仕唐觀其素履本非有守之人

而已之私不與焉

徒以不可

有功於唐室而許之真社稷臣也

蓋人之情喜其功者常過予

喜瑀之有功而

許之以真社稷臣也則為過予

而徇其名者每每失其實也

許瑀以社稷臣之名

而本無守社稷之節則為失實

以喜功徇名之心而觀人

總上兩句意

則惟

見其與我者之為忠

徒然知有功於唐室之為忠

而不究其昔日之

大有拂於理者

不知昔日歷仕異代之為不義

觀人如此果可以通於

萬世之公乎

非觀人之正論

夫天下無事訐謨獻替此固臣子

之至願

為臣而處常固當盡忠

而或者一旦遇世變之搶攘臨難

死節亦臣子分內事也

為臣而遇變尤當效死

而可以夷險而易

吾之所守歟故善觀人者

應前觀人二字

不求其迹於功成名

就之後

不觀其形迹之似

而每以酬酢變故決擇去就之頃而

逆諒其心

要觀其本心之真

以此觀人庶幾可以示來世矣

如此

方是通萬世之公論

吾觀唐太宗之稱蕭瑀何其喜功而徇名也

應前四字瑤本隋臣

敘瑤履歷

河池之守固當效死豈有一聞高

祖之招遽然挈郡而歸之

本傳瑤拜內史侍郎出為郡守高祖入京師招之挈郡歸

封宋國公謂其有功於唐則可其如隋之社稷何

瑤為隋臣不能死於

社稷豈得謂之真社稷臣

太宗謂蕭瑤真社稷臣何以訓天下

辭明義正

夫所謂真社稷臣者以其能誠死社稷也

便將本題要字辨命前

賈誼策法度之臣誠死社稷

而真之為言又非形似髣髴之謂足以

當此而無愧者也

又詠真之一字非形似之謂

故見危必致命

語十九子

張曰士見危致命

思難不越境

左宣二年趙穿攻靈公於桃園宣子未出山而復太史書曰趙

肩殺其君以示於朝宣子曰不然對曰子為正卿亡不越境反不討賊非子而誰

苟利社稷死生

以之

又用左傳全句

嗟夫

嘆惜立議論

士之操守當覘其不變於蹈險

之秋而不可以安平無事之時論也

應冒子一旦遇變臨難死節之語

士

以安平無事之時論天下無節義矣

反申上文應冒子天下無事語

故不

遇歲寒不知松栢

語子罕歲寒然後知松栢之後彫也

不攻堅木孰別利器

東漢虞詡傳不遇盤根錯節何以別利器乎

世之忠臣義士亦未始不以其臨

難不可奪而得之也

將上二句比比一句語可以托六尺之孤可以寄百里之命臨大節而不

可奪也

兵環畫邑三十里而王蠋不歸燕

燕樂毅伐齊云云毅聞畫邑王蠋賢

令軍中環畫邑三十里無入使人請蠲蠲謝不往燕人曰
不來吾且屠畫邑蠲曰忠臣不事二君烈女不更二夫云
云遂經其頸而死
畫胡卦切蠲珠玉切 蠲雪收牴間關海上十九年而蘇武

終不忍忘漢真社稷臣有如此者

蘇武傳武留單于天雨雪武臥蠲雪與旃毛并

咽之云云迺徙武北海無人牧羝武杖漢節牧羊臥起操持
節旄盡落武留匈奴十九年
以上二人方是真社稷

臣至如李陵衛律之罪一汙青史萬古淒涼大節一虧功

名不足贖矣

同上單于使衛律招武受降武引佩刀自刺云云初武與李陵俱為侍中單于使陵說武

降云云武曰王必欲降武請畢今日之歡效死於前陵見其
至誠喟然嘆曰嗟乎義士陵與衛律之罪上通於天因泣下

於雷吁人主可以一時之功名而確然謂其係國之輕重耶
上綴

意謂觀人要觀其大節

蕭瑀之事嘗讀史而知其顛末矣

叙瑀始末當

是時唐室開基朝綱振聳萬機倥偬而未暇也

說唐初時事未

定有臣如瑀忠直自任抑過繩違精神風采不減房魏

執政得人賀有唐者衆矣

且說他好處要後抑必先揚謂瑀之忠言直論不下房玄

齡與魏徵之為人蕭郎瑀自力孜孜抑過繩違無所憚

本傳高祖呼曰

況夫問以長保社

稷之策而首倡藩籬屏衛之謀

本傳瑀為僕射帝問瑀朕欲長保社稷奈何瑀

曰三代有天下所以能長久者類封建諸侯以為藩屏泰置守令二世而絕漢分王子弟享國四百年魏晉廢之亡不旋踵此封建之明效也帝納之武德方搖搖於社稷之託而卒定

元良之任

見本題註

瑀之於唐誠不可謂無功者

瑀直可有功於唐

自太宗賜以疾風勁草之詩光映縉紳瑀之功名已班

班於唐公卿間矣

本題下文云因賜詩曰疾風知勁草板蕩識誠臣

真社稷臣

之褒誰得而議瑀哉

自大講至此皆說瑀似可當真社稷臣之名

然而

轉歸正意

自立議論抑他

人言之溢美未嘗不因於其所喜成於有所徇

應冒喜功徇名之語

惟其喜也嘗過於褒揚而不知惟其徇也則

又不求其實者也

應接題人之情喜其功者嘗過予而徇其名者每失實

茲二者

皆錮於人情之私也

總結上文應破已之私不與焉

何則

喚下瑀生於

梁

本傳瑀梁明帝子

為梁宗臣不能憫其宗國之顛覆

學詩黍離句法

周大夫行役至于宗周過故宗廟宮室盡為黍離閔周室之顛覆

歷陳仕隋又非不事

二君之義

本傳瑀女兄為隋晉王妃晉王妃即位妃為后瑀寢親寵拜內史侍郎又見前王蠋註

守河池駕言行邁

同上出為河池郡守又學毛詩句法

想其覩故宮之禾

黍悵連阡之秀麥

上註彼黍離離又微子麥秀歌

其心愧恥不汗顏而

泚頰者幾希

言瑀不能守節豈不惶愧文血指汗顏又孟子其頰其泚

瑀也親綰

銅章安然五馬之貴瑀之大節已可議矣

言瑀乃梁之宗臣不當仕

隋為太守

杜詩

金章紫綬照青春又送

然既為隋而

賈閣老出汝州人生五馬貴莫受二毛侵

任千里之寄隋之社稷政藉瑒為一扞蔽也

言既為隋河池之守

合當死守

高祖入京之招豈瑒苟富貴之時歟

言瑒又不能為隋死守又

挈城歸唐見冒于注

鑿池築城堅守勿去

孟梁惠王鑿斯池也築斯城也與民守之效死

而民弗去則是可為也

為唐計者不過以兵而驅我也

說出高祖見脅之意

夫其以兵而驅我則一死以報國士之知尚可以少吐

生氣

瑒於此時蓋當效死史記刺客傳豫讓為智伯報讐云云曰臣事范中行氏皆衆人遇我我故衆

人報之至於智伯國士遇我我故國士報之

獻城而求苟生焉亦猶奄奄泉

下也

瑒雖生亦死也

瑒乃不思及此苟利祿而忘節義

謂瑒苟受

唐之利祿而忘為隋守節義輕於去就而重於死生瑀為隋臣不當去隋之守而就

唐之招若輕於一去一就則是畏死而貪生招之頃巧媚求全不過為敦保身計

有真社稷臣而挈城以為進身之階乎綴盡題意使瑀親聞此言亦無

辭說可解見冒子注所幸天下歸唐得保首領以沒於地用左傳語

隱三年宋穆公疾召大司馬孔父而屬殤公焉曰先君舍與夷而立寡人寡人弗敢忘若以大夫之靈得保首

領以歿先君若問與夷其將何辭以對設或中原之鹿不為唐有則又安

保其不轉而之他哉說破蕭瑀不能守節情狀晉書石勒云若遇高祖當北面而事之

若遇光武當與之並驅中原未知鹿死誰手太宗不考其素而輕以一言許

之可勝恨耶

應破語謂太宗不考其素履而輕以真社稷臣一語許之

昔王通氏曰

魏相真漢相

見中說

相真可以相宣帝也

如魏相之才則真可為漢相以

真之一字以

正形下意以瑀為社稷之臣而真之一字確然許之

之瑀

才不如魏相豈可當真之一字

太宗其欺萬世哉

應冒子何以訓天下意

商州之

行帝之知瑀晚矣

見本傳瑀貶商州

太宗誠不知瑀也商州之

山川鬼神瑀其得而誑之乎

用左傳語縱子忘之山川鬼神其忘之乎

嗟夫

死士五百人從田橫於海島而無叛色

見國語

荆楚之士

從先主於江南而依依如雲

見蜀志先主傳云云

事雖不成而氣

不可奪身雖不免而其心猶未死也

如是方是真能守節義

以若

人而當社稷之重以真許之吾無憾也

繳上二人如此方可以當社稷

之名瑀何人斯而敢當此哉

瑀不足以當此名

真社稷臣之褒太

宗將以厚瑀而不知重為瑀累也

貶太宗以真社稷之名許之亦不是

漢

高祖戮丁公丁公為臣不忠使項王失天下

見前漢高祖紀

高

祖之示萬世者精矣

取高祖之言是

太宗之慮後世良有闕歟

抑太宗之言不是 謹論

前篇謂叔孫通非儒者而太史稱之為漢儒宗惜其

金史卷八
不足也

此篇謂蕭瑀非忠臣而太宗稱之為真社稷臣許之
太過也

形容題意格 此篇與樂天者保天下同格

舜禹有天下而不與

陳傳良

出處

語泰伯子曰巍巍乎舜禹之有天下也而不與焉

立說

謂舜禹所以有天下而不與者由自視其身不勝其小也蓋舜禹之心常歎然若不

自足其自視之小者不見天下之為大也

馮厚齋批

議論出人意表行文精微通暢深得論體

論曰不見天下之為大者謂舜禹有天其自視小者也

謂歎然不足

夫自一介而上

用孟子一介不以與人語以至小形至大厚齋

批云此意頗高然非冒子當用

皆人之所役役焉求之而弗遇者

一介至小

底物求之且不能得

況夫天下而有無故之獲哉

天下是至大底物豈偶然得之

天下不可以無故得也

再喚起上句

而儻然得之

以舜禹

則若

必有以大過人者

反說小字

嗚呼吾視吾身誠有以大過於

人而能得天下

止齋文法多如此轉換最圓活

則夫得天下者始可挾

之以為喜固之以為私

若自視吾身不以為小則必與天下干預了

何者

說起

其自視哆然大也

反說不見天

則視其所有

出題有字

皆益

世服人之具

變換大意於人意

則亦甚貴重愛惜也

如此則知與矣

知

此始可與論舜禹有天下而不與之說焉

一句入題更不叙講蓋上

面說意已醒了

且夫堯授舜舜授禹

漢董策禹繼舜舜繼堯三聖相授守一道

誠非

敢輕也

且說天下是重大底物

誠擇之試之詢之卜之之悉而後

與也

擇如師錫帝曰有鰥在下曰虞舜之類試如歷試諸難之類詢如詢于四岳之類卜如枚卜功臣之

類

夫擇於斯試於斯詢且卜於斯

接上文變換學擅弓歌於斯哭於斯聚國

族於斯句法

必無以易我者焉

見得重大

而後上之人退然而遜

之

上遜讓之

下之人偃然而戴之

下歸戴之

則夫所以崇高富貴

我者皆其善後之深計

上之人遜我之意

而其所以奔走服役

我者亦其圖安之覬心也

下之人戴我之意

反而觀我焉彼皆

利賴我者也皆屬望我者也

又從舜禹身上說一過

則凡致乎此

者誠吾能而居乎此者誠吾宜

應冒大過人意

亦可以拱受而

無愧敢當而不懾

應冒得天下挾之以為私意懾震驚貌

舜禹也

入主意

一則曰吾不堪也二則曰吾不堪也

形容舜禹不與氣象吾

無以異於人而胡於我乎遜而胡於我乎戴也

應前遜字戴字

設問只兩句意轉換作三樣說

非望之福有道之憂也無窮之求性分

之累也

詠題文意悠長大有議論以天下遜我是非望之福天下之戴我是無窮之求

是故

君固與之而固辭之

應上之人遜之意

民固歸之而固逃之

應下

之人戴之意若他人則必將河南陽城之避接去了惟此又於嗚呼下又着數語則文勢雍容詳緩嗚呼

夫其致之者可以為吾能也而顧曰吾憂

應前致能憂三字

其

居之者可以為吾宜也而顧曰吾累

應前居宜累三字說得舜禹不與

天下本意出

河南陽城之避悶然而不就

若以此接固逃之下則文勢急迫

矣

又見下注

禹益之薦汎乎而不嗇

孟萬章舜避堯之子於南河之南又舜薦禹於

天三年之喪畢禹避舜之子於陽城又禹薦益於天彼其視天下何眇乎其小也

應不見天下之為大意

其心固常常而曰我何以有天下云爾也

出題有天勅天以為戒非以患失也書益稷帝庸作歌曰勅天之命惟時

惟幾又患失叙功以為歌非以干譽也書大禹謨九功之出論語惟叙九叙惟歌

又罔違道以干百姓之譽賞罰以勸沮非以立權也書罰弗及嗣賞延于世又荀彧

國是以為善者沮禮樂以藩設非以飾治也楊問道虞夏法度彰禮樂

著又荀善顯吾職之不共吾責之不塞吾懼焉而已矣設善藩飾

所謂不與者非是置之故曰其自視小者不見天下之不問須要此數語方密

大為大其無係於物者無我也照破題結再添一句最好無係於物見不與意

凡天下之人簞食豆羹抱關擊柝皆可以驗匹夫匹婦

之心

照冒接題意
其人簞食豆羹

孟好名之人能讓千乘之國苟非
見於色又萬章辭尊居卑辭富居

貧惡乎宜乎
抱闕擊柝

何也

設問

惟我之為快也

答

是故遭意外之

幸者多盛氣會適成之功者每德色

議論造理
挾之以為喜意

應以

舜禹之得天下

歸主意

而始之以歔然終之以歔然

慊然不足

之意

孟盡心上如其自視
歔然則過人遠矣歔音坎

是其胷中之藏天地同量

盈之而益虛過矣而已化

說得舜禹之心廣大
若無實若虛又孟所過者化

巍巍之道亦可想也

巍巍本
題上文

而好事者猶曰設舜臣瞽

瞍

孟咸丘蒙問曰盛德之士居不得而臣父不得而子
舜南面而立堯帥諸侯北面而朝之瞽瞍亦北面而

之朝而禹德衰於傳子

孟萬章至於禹而德衰不傳於賢而傳於子

嗟乎吾觀

書傳

舉經傳語為證

至舜之傳禹惓惓如釋負皇皇如有求

穀梁

如釋重負又檀弓云皇皇如有求而弗得

而禹也雖衣服飲食之微曾不少

適吾之意

語泰伯禹吾無間然矣菲飲食云云惡衣服云云

夫過卑以下其臣

而顧以施諸其親

解舜不臣瞽瞍之意

不以便其身而顧以利諸

其子孫

解禹不私傳子之意

兩

雖微孔孟吾不惑之

矣

雖無孔子孟子之言吾亦不疑舜禹之事

而況孔孟之說昭如也

此意尤工謹

論

貶題立說格 與後篇天子與公卿議錢幣同格

公卿議錢幣如何

陳時中

出處

前食貨志武帝因文景之富忿胡粵之害嚴助朱買臣等招徠東甌事兩粵江淮之

間蕭然煩費云云於是天子與公卿議更造錢幣以贍用而摧浮淫兼并之徒云云是時禁苑有白鹿而少府多銀錫有司言曰古者皮幣諸侯以聘享金有三等黃金為上白金為中赤金為下云云乃以白鹿皮方尺緣以績為皮幣直四十萬王侯宗室朝覲聘享必以皮幣薦璧然後得行又造銀錫白金三品其文龍直三千其文馬直五百其文龜直三百云云

立說

就題公卿字設難言興天下之利當與天下共議之今與公卿議之私也非公也

批云

議論極正文字儘佳筆下更無凝滯處

論曰將有以興天下之利

指武帝更錢幣

必有以盡天下之心

當與天下共議之

大臣不得私也

不當與公卿議之私二字是一篇眼目

夫利

為天下而興者也

喚得主意響

為天下興利而不得以盡天

下之心

接上文反說主意

則議之所及者不過於利吾國利吾

家而已

與公卿議則私了用孟梁惠王上語王曰何以利吾國大夫曰何以利吾家

豈暇計

其實利害哉

不盡天下之公議則利害皆不得其真

大抵事有利害不厭

其為議

事有利有害須要議論

議有當否不厭其為詳

人之議論有說得當

理者有說得不當理者須要詳盡

況於錢幣之大政

入本題意

乃國家元氣

生民壽命之所由關

見得錢幣之議是為天下而興利

蓋有公卿以為

利而天下以為病

公卿之私見與天下之公議不同

可以紓目前之急

而無補於經久之大計者矣

一時之急計與萬世之常經不同

苟惟一

二私意之大臣是崇是信

只從公卿之私議

而不得以博盡天

下之情

不盡天下之公議

狃於意見之偏勝

從公卿之議而不盡天下之議便偏

而不暇計生民之利病

既是偏見安知實利害

則異日弊端之

起將有伏於議論不到之地矣

言公卿之謀必有未盡善處

於國奚

補哉

何利於國

蓋自君民相通之情不見於後世

從古者引入後世

至漢而始有集議之名

伐匈奴有議棄朱厓有議鹽鐵有議

然而議止於

羣臣而不及於庶民此意已不廣矣

此一轉可去

元狩錢幣

之議

元狩武帝年號

謂宜以天下之利害與天下謀之

主意

奈何

所與議者公卿而已而臣下又不得以盡其情焉

政到本題

之意

奚其私論勝而公論泯也

公卿之議私天下之議公

公卿議錢幣

如何吾固未暇察其議之當與否且以見私意之害公

也

着此二句尤有宛轉

請因漢志而詳其說且自上下之勢隔而

謀國者無公論

從古者原起應冒子君民相通之情不見於後世意

自功利之說

勝而理財者無正辭

錢幣之議非公易理財正辭曰義

由是錢穀之問

廟堂不以為浼

本韓文錢穀之問不至廟堂

曰利之言大夫不以為

恥

孟大夫曰何以利吾家

殉貨之戒卿士有位者不以為畏

書伊訓敢

有殉于貨色

問之則曰圜法九府維師尚父之所立也

前食貨志

太公為周立九府圜法

理財一書冢宰姬公之所作也

周官一書半言理財

古之所以言興利者亦公卿而人耳天下何議焉

從錢穀之

問度至此且揚古者之言理
財亦與公卿議未為不是

嗚呼使其居公卿之位者

而皆能以天下為心如尚父如姬公則可

繳上文要

苟

其不尚父不姬公也

能以尚父姬公為心尚是公議苟不以二公之心為心則是私議了

幾何而不為管氏之謀富強者乎

管仲相齊富國強兵

幾何而不

為商鞅之談功利者乎

史記商君傳衛之庶公子名鞅姓公孫見孝公說公以帝道其

志不開悟云云說公以王道而未入云云說公以伯道公與語不自知膝之前席也云云鞅曰蓋吾以強國之

術說君君大悅之耳

又幾何而不為皇甫鏞宇文融之剝下媚上

以要權寵者乎

唐憲宗伐蔡用度急鏞袁會嚴急以辦濟師又玄宗以宇文融為覆田使括正

丘畝歲終羨錢數
百萬緡並本傳

皆非天下之公是非實利害者也

如管

仲商鞅皇甫鑄宇文融諸人之言理財皆非公議

天下之事利與害對公與私

對

應冒子利害公私四字

利於國者或有害於民

演上文害不兩立

私

諸已者是必不公諸人者也

公私不兩得

彼其以刻削為至

謀以詭遇為密議

指管仲商鞅諸人之議孟為之詭遇一朝而獲十

方恐天下

之議其後則亦何敢以盡天下之議

韓此意好見得公卿之議私天下之

議公是以不謀之國人而謀之公卿不蔽以公論而蔽以

私意

見得天下之議與公卿之議不同

其所以欺世罔民者蓋未必不

以為天下有道則庶人可無議也

語天下有道則庶人不議

亦孰知

天下之利害當與天下共之公卿可得私耶

應破語將以興天下

之利必有以盡天下之心大臣不得私也

嗟夫貨泉布帛周室之所為理財

也而謀及庶人者曷嘗一日廢

前漢食貨志太公為周立九府圉法云云故貨

寶於金利於刀流於泉布於布束於帛又洪範謀及庶人

職歲職幣周官之所以厚

天下也然於一沐一食之頃苟有以利害至者蓋未嘗

不動念焉

周禮天官小宰之職云云職歲掌邦之賦出以貳官府都鄙之財出賜之數以待會計而

考之云云職幣掌式法以欽官府都鄙與凡用邦財考之幣及史魯世家周公戒伯禽曰我一沐三握髮一飯

三吐哺喜以待士云云以上用周事見得周之此意
言理財皆盡天下之公心未嘗徇公卿之私見

古矣

繳上周事
引入本題

殆宣漢庭公卿所能知之

責漢公卿之
議不公不如

周公卿之
議為公

蓋自三代既衰德不勝偽

又從三代
叙起

而生財大

道逸而歸諸言利者之口

大學生財
有大道

公議綫脉所恃以

僅存者獨漢之集議耳

見冒
子注

然國家有大政政有大疑

則下之於博士下之於議郎君子猶以為未大也

漢凡
有大

事

下博士議郎集議
推廣此意尤佳

錢幣之議豈細故哉

歸重錢
幣上

鹿皮

之行歟罷歟白金之造歟否歟

見本文
詳注

揆之人情質之

輿論豈無的然不易之說

謂天下自有公論

吾意其建議之初

必當合天下之公盡天下之慮以求經久可行之說

謂錢

幣之議當盡天下之心不當徇公卿之私見

苟其不然猶當參之博士議郎

之選庶幾可以紓民力而裨國計者尚肯為國家畫一

籌也

應前語形出公卿意

奈何博士不得聞議郎不獲預而僅議

之在廷之公卿

參之博士議郎雖未至於盡天下之公議猶愈於徇公卿之私議

問其

官則丞相御史也問其秩則三公九卿也

指公卿

問其所

以議則錢之更幣之造也

喝出本題韓子諫臣論

以上三句是學文問其官則曰

諫議也問其祿則曰下大夫之秋也問其政則曰我不知也吁嗟漢廷公卿類以事

君為容悅者耳豈能為國家遠計哉

責漢公卿之議不用孟子語以

事君為容悅者直以濟武帝之侈心而已

見得公卿所言只是奉承武帝奢侈不能

究生民之利害豈是公議

嘗觀當時所謂錢幣之議

再評品當時錢幣之議

大

抵便於國而不便於民

應冒子公卿以為利天下以為病意

利於濟一時

之私而不暇為通變無弊之法

應冒子可以紓一時之急而無補於經久之大

計意故以方尺之鹿皮而為直者四十萬則薦璧者難於

行而侯王坐免爵者多矣幣之議何益

詳注見本題出處

以白

金之龍文而為直者三千則盜鑄者易為力而小民犯

死不可勝數矣錢之議何裨

見本題注下文云盜鑄死罪犯者不可勝數

彼

之所以勇於興利者蓋亦明知其有異日利害也

應前利害

字

特以帝之欲心如火方炎

應前武帝之侈心

東甌兩粵之使

未通

食貨志武帝招徠東甌事兩粵云云

朔方匈奴之醜未雪

同上又興十餘萬人

築衛朔方費數十百萬又匈奴絕和親侵擾北邊兵連而不解

神仙土木無涯之費皆

未能以快其所大欲

郊祀志遣方士入海求蓬萊而海上燕齊怪迂之方士更來言神仙

事又作通天臺置祠具其下將招徠神仙之屬又本紀起建章宮作甘泉通天臺柏梁臺又三輔黃圖序土木之

後倍秦越舊

雖以區區爵級之鬻

出題下文令民得買爵名武功爵級十七萬凡直三

十萬金以顯軍功

曾不足以佐繁費之萬一

武帝開邊所費甚大無可以濟其用

度

其計安得不出此哉

安得不議錢幣

然堂堂漢朝公卿大臣

相與言及錢幣陋矣

責漢公卿錢幣之議卑陋不足取

況斯時也為斯

議也

說當時之議

不謀之天下不謀之羣臣而謀之一二之

私人

應冒予一二私意之大臣是崇是信而不得以博盡天下之情

公論其謂何

謂公卿之

議私而不公

吾嘗因錢幣之議而求之漢之諸臣

再演上意

未嘗

不嘆私情之勝而公論之益泯也

應冒予奚其私論勝而公論泯

夫以

國家大計羣臣庶民不得盡情而主之公卿

照前主意

重不

古矣

應原題古字

然猶幸其有君子者在公卿之列猶能為

公卿伸一喙也

此一轉尤妙暗指仲舒顏異諸人

夫何議之者張湯決

之者亦張湯自湯之外無聞焉

食貨志御史大夫張湯方費用事初造白鹿皮

幣客語異初令下有不便者異不應微反昏湯奏異九卿見令不便不入言而腹誹論死自是有腹誹之法

至於遞相汲引更相用事如弘羊孔僅者又賈人之靡

耳豈復知有公論哉

同上以東郭咸陽孔僅為大農丞領鹽鐵事而桑弘羊貴幸咸陽齊

之大鬻鹽孔僅南陽之大治弘羊洛陽賈人之子以心計三人言利析秋毫矣謂以上三人皆小人安知天

下之公議
罵倒本題
噫漢非盡無公論也
又畧救起
特為私論所勝耳

應前私論勝
而公論泯
吾觀正誼之說仲舒言之而舒擯於行
董仲

舒傳正其誼不謀其利明其道不計其功
不便之議顏異主之而異論於死

出處大農顏異對曰王侯朝賀以蒼璧直數千皮薦反四十萬上不悅張湯以他議誅異
亦何怪乎

鹿馬之禍秦
史趙高指鹿為馬
而鳥驚之誤隋也
通鑑太宗

執高德儒曰爾指野鳥為驚以欺人主
君子觀張湯桑孔之謀蓋深嘆私

情之揜公議
應前私情勝而公論泯
君子觀仲舒顏異之說猶深

幸公議之在人心
應前猶幸有君子者在公卿之列猶能為公卿伸一喙
謹論

天下大計當與天下共謀之不當徒徇公卿之私議
議論極正大文法亦圓轉其大意本之柳子厚守原
議云守原政之大者不公議於朝而私議於宮不博
謀於卿相而獨謀於寺人蓋襲此論

形容題意格 與舜禹有天下而不與同文法

樂天者保天下

陳傅良

出處

孟梁惠王下齊宣王問曰交隣國有道乎孟子對曰有惟仁者為能以大事小是故

湯事葛文王事昆夷云云以大事小者樂天者也云云樂天者保天下

立說

聖人無致變之因而有無故之變於此只得歸之於天其所以樂之者正以其無故而安之也所謂保天下者則樂天之餘效爾非有所利而為之如湯有葛文王有昆夷皆是無故之變而湯文則順受之而不與之較安乎天而不咎乎人自然收安天下之效非謂為是不校之形將以大得志於他日也

巽齋歐陽守道批

說天字最精密文字有模寫形容之妙若說葛伯昆夷則

又是上文意但觀其文可也

論曰聖人之心其所以安於無故之變者

指樂天含湯事葛丈王事

昆夷意

初非其利而為之也

保天下則樂天之餘效爾非有所利而為之含湯伐葛文

王伐昆夷意

事變之來而出於無故者

申上無故字

人情之所甚

不堪而聖人固安之者

從人情說來入得聖人有節度

誠知夫天下之

理其非吾自為之者皆天為之

說天字有理

則夫無故之變

亦天也

應主

惟知天理之或然也

貫上

而是非曲直之

說無與乎其間

與去聲
干預也

則亦不必歸咎於彼而求伸於

我

不與
之較

是故遭之而不疑受之而不愧

只得
順受

嗚呼聖人

之安天下如斯而已矣

此樂天
之餘效

天下之被吾澤者吾猶

不暇計

謂保天下
堯舜之澤者

若已推而納之溝中

孟匹夫匹婦有不被

而況乎謂聖

人為是不校之形將以大得志於他日也

子曰樂天者保天下而論其人則曰湯事葛文王事昆

應非其利
而為之也

孟

夷

舉本出
處上文

世之君子惑焉

與後
相應

蓋曰湯卒有葛之師而

文王卒有昆夷之役

始既事之今又伐之安得
不疑其有所利而為之

或者湯

文之事固有所就於天下而非其樂天之情

應大得志於他日意

亦與後面相應

吾固為湯文辨而且為孟子辨也

應在後

甚矣世

之以利心窺聖人也

從利字上說起最緊切

彼特見夫堅忍以俟

時舒徐以觀釁者之為

觀釁出左傳釁隙也

與吾聖人樂天之事

形似相近也

謂湯事葛文王事昆夷

則亦曰聖人之心固將有所

就於天下而非其樂天之情

應冒舉題處語

嗟夫裂眦之怒藏

於嬉笑

眦目匡也裂眦開眼也

背面之毀隱於緘默

背面背後也以小形大

此市人少知義者不為而謂聖人為之乎

聖人豈有所利而為之

應接
題語

故夫聖人未可以利心窺之也

應起句結
上生下

彼其備

意外之患而居之以寬有積強可為之勢而退然若怯

者

兩句是樂天氣象說
安於無故之變意

其分量固大其見固定而察乎

天者固審也

聖人心
事如此

何也

喚起生
下段

凡盛衰之相推而貴

賤之相使強弱之相加而賢否之相用

包括是非
曲直意

其至

也不可禦其去也不可留者

無迹可
捉摸

是必有數焉默行

乎其間而人事不能以獨專

應天下之理其非吾自
為之者皆天為之意

是

故子路雖無可愬之理而公伯寮必無自愬子路之心

語公伯寮愬于路
於季孫 愬諧也

孟子雖無可沮之說而臧倉亦必無

自沮孟子之心

孟樂正子見孟子曰克告於君君為來
見也 嬖人有臧倉者沮君君是以不果

來也 善使事
不為事所使

茲天說也

四字說
得好

以聖人之盛德

說聖
人有

目而天地之間猶有夫撞搪斗號忿觸而怒抗者

與我
較者

是豈聖人有以致此而夫人亦奚為而如此也意者其

天也邪

不為必然之說有
模寫形容之妙

蓋至於是吾固不知所以使

之者而彼亦不知其孰使之者

形容樂天意
自然而然

我與物皆

聽其所為而莫得以窮其所歸

如捕風捉影
文之妙處

吾於此將

孰從而尤焉

尤歸咎也

應冒不必

有順受而無捍拒

捍拒抵敵也

有暇豫而無遑遽

遑遽急迫也

有哀矜撫慰而無忿懣

鬪爭

忿懣怒也

大學有

蓋其分量之大其見之定其

察乎天者審也

應前三句

而何利於天下之被吾澤也哉

應冒

語過保

水不與土爭而魚利山不與木爭而禽利聖人

不與國爭而天下利

理勢自是如此以上二句形下一句

亦其有容之末

效不戰之餘福固如此爾聖人不知也

歸之樂天之效

而何利

乎他日之得志也哉

應冒為是不效之形將以大得志於他日語

雖然彼以

其始事焉終伐焉而惑乎湯文者亦不明乎天之說也

應冒舉題語

天之說固有定未定也

又以定未定字生議論

且天之於物也

舉天

字說用孟子語

其傾之也或張之其就之也或困之日將暝也

大明雷將震也深蟄是其猶未定也

此在天未定之天

葛與昆

夷猶足以難湯文而湯文猶為葛伯昆夷所屈其諸未

定之天歟

此聖人未定之天

及其定也則湯文有不得已者矣

謂湯卒有葛之師而文王卒有昆夷之役只一句涵蓄說了

昔者亦嘗疑於禹益之

事

舉證

且禹之伐苗也固歸之天

書大禹謨帝曰咨禹惟時有苗弗率爾徂征云

云民弃不保
天降之咎

而益贊禹以班師也亦歸之天

同上益贊于禹曰惟

德動天無遠弗届云云時乃天道
云云禹拜昌言曰俞班師振旅

以前日之伐為天則

今日之還非天矣以今日之還為天則前日之伐非天

矣

學孟子文前日之不受是則今日之受非也今日之受是則前日之不受非也

而禹益皆曰

天焉

皆歸之天

豈禹之欲伐也姑假天以辭苗或益之欲還

也假天以懼禹邪

設疑辨難

禹益非假天以自文則必有道

矣

解天字意

吾固曰禹之於苗其始伐之者天也而終還之

者亦天也

語有判斷

湯文之於葛伯昆夷其始事之者天也

而終伐之者亦天也

對說甚切

不然

反繳

禹為過舉而文王之

志荒矣

斷送得氣

謹論

近日君子以仁禮存心論多學此篇文法亦可與仲尼不為已甚舜禹有天下而不與論參看方知止齋文法之妙

論學繩尺卷八